





OXFORD: University,

Christ Church ~~College~~

On authorship see
Notes & Queries
1856, 2000; 2

130, 197, 312-3, 355-b,

435, 511-2

G.R.P.

31/12/52

11.6.22

* Injery was done to the ...
George ... at ... at the time
B H C
... ..

by the ... to ...
In ... No. 42. Oct. 18. 1886
" " No 16. p. 312.

... .. 130. 197

They are ...
... more, a ...
... of many of the ...
... occasionally ...

... the same ...
... of ...
... of ...
... to ...
... No 44 ...
... II. ...

X Impey ^{gives} ~~was~~ Jubb instead of Tubb. George
Tubb was at Xt Ch at this time.

B.N.C.
Not. & Q. ^{via Impey?}

..[Erasure]-----

by W. H. Gunner ⁱⁿ Notes & Queries
2nd Series No. 42 ^{Oct} ~~vol~~ 18 1856
-- " " No. 16 p. 312

See 2nd Ser. II 130 197

They are based with authority of "Mr.
^{Seymore} Tipmore (?) [Seymore?] a contemporary of
many of the writers and probably personally
acquainted with some of them."

* Names on the inner margins are later
from a copy once the property of Elijah [Impey?]
Faculty student of Xt. Ch. Son of the
celebrated ^{Sw} Mr. Elijah & nephew of Dr. James
Impey.

Notes & Queries 2nd ser. No. 44. Nov 1/56 p. 355

2nd ser. v. II. no 18.

B.N.C.

TRANSCRIPT OF NOTES ON FLY-LEAF.

CARMINA
QUADRAGESIMALIA

A B

ÆDIS CHRISTI

O X O N.

ALUMNIS COMPOSITA

ET AB

EJUSDEM ÆDIS

BACCALAUREIS DETERMINANTIBUS

I N

SCHOLA

Naturalis Philosophiæ

PUBLICE RECITATA.

VOLUMEN SECUNDUM.

O X O N I I,

E THEATRO SHELDONIANO,
MDCCXLVIII.



Imprimatur,

EUS. ISHAM,

Vice-Can. Oxon.

Jul. 16. 1747.

REVERENDIS
ORNATISSIMISQUE VIRIS
ÆDIS CHRISTI ALUMNIS
HANC ALTERAM
CARMINUM QUADRAGESIMALIUM
COLLECTIONEM
EORUM COMPROBATIONE SUSCEPTAM
AUXILIO PERFECTAM
D. D. D.

STUDIORUM PRIDEM SOCIETATE
JAM BENEFICIIS
DEVINCTISSIMUS

ANTONIUS PARSONS.

Ad Lectorem.

LIBER Carminum Quadragesimalium, viginti quinque annis abhinc editus, tantam apud humanioris doctrinæ cultores inivit gratiam, ut rem me facturum arbitrarer haud ingratam, nec adeò inutilem, si novum hujusmodi volumen concinnarem; quod eodem candore legentium acceptum iri spero. Equidem hoc genere carminum vix aliquid reperiri potest magis idoneum, cum ad acuenda juvenum ingenia, tum ad promovendam industriam; aut quo faciliùs forsan ad disciplinas severiores allici, & amore ipsius Philosophiæ accendi possint: modò sint memores, in his minimè esse consistendum; quæ tanquam aditus sunt jucundi ad indagandam veritatem. Quòd si non hic tantus fructus ostenderetur, & si ex his studiis delectatio sola peteretur: tamen (ut Ciceronis laudes literarum his præsertim congruas accommodem) hæc animi remissio humanissima, ac liberalissima esset judicanda. --- Hæc si studia adolescentiam alant, habent quo provectiorem ætatem oblectare possunt.

Quæ

Quæ dicta sunt, consilium meum in edendis hisce carminibus facile tuebuntur: quod si ferius absolvi videatur; in causâ fuit valetudo gravis, quâ per magnam partem temporis conflictatus sum, quò minùs aliorum expectationi, & officio meo satisfacerem. Hoc, quod parùm aliàs scitu esset necessarium, afferri oportuit, ut me iis purgarem, qui hunc librum Subscriptionibus suis amplissimis cohonestârunt; atque hanc excusationem apud eos spero valituram, & pro ipsorum humanitate confido: quibus gratias ago atque habeo maximas, & præsertim illis, qui me operâ amicissimè collatâ, & donis suâ liberalitate dignis adjuvârunt.

Si cui fortè ratio carminum, vel tituli qui præfertur, minùs constet, ut potero, breviter expediam. — Carmina Quadragesimalia sunt, quæ primo die Quadragesimæ publicè in Scholis recitantur à Baccalaureis cujusque Collegii Determinantibus: quod est, terminantibus seu complentibus gradum; eâ conditione collatum, ut solennes disputationes obeant proximâ Quadragesimâ. Quippe, prout novæ quæstiones proponuntur, lectio versuum, qui singulis conveniant, contentionibus in easdem solet præcedere. Hinc illud efficitur, ut leviora hæc (uti nonnullis forsan videantur) duplicem afferant fructum;

fructum: dumque adolescentium studia incitantur, disputationum severitas amœnitate carminum temperetur. Itaque cum hoc sit maxime propositum, nemo in hujusmodi compositionibus accuratam Philosophorum scientiam, & in rebus persequendis diligentiam expectabit. Licet theses Disputationum super reconditiorem doctrinam instituantur, non opus est ut materies Poëtica petatur ex eodem fonte: satis profectò existimari debet, si carmina ad illustrandum quovis modo lemmata, & ad exornandum inserviant; ad eaque sine vi nimia possint referri. Cum sint ex Epigrammatum genere, potius ad delectandum videantur, quam ad docendum comparata: nihilominus certè ad fundamenta, quibus insistant, saltem respicere debent & intueri. Igitur ex hac duplici origine; nempe quòd sunt Epigrammatum species, & in quæstiones ex Scientiis petitas componuntur; patet multiplicem doctrinam in hanc Poësin intrare, & omnigenam ferè rerum varietatem: quicquid vel Natura fecit, vel ars humana excogitavit; quicquid vel ab Historicis traditum, vel à Poetis inventum est: quæ quidem omnia narrare liceat atque exornare Poetico modo. Ex his verò omnibus Historia Naturalis, & experimenta Physica primas sibi vindicare

re meritò videntur. Etenim hinc vix major lux ad veram Philosophiam affulget, quàm immensus ad exercendum ingenium campus aperitur; unde ampla lætissimarum descriptionum seges desumi potest: nullus sanè uberior est qui investigetur, nullus qui excolatur felicior.

Plura de hoc argumento dicere, Lectorem à jucundiori carminum voluptate diu nimium detineret: tantum apud eos præfari, qui ad instituta nostra hospites essent, necessarium duxi. --- Quod superest; precandus es à me, quicumque hunc librum in manus sumpseris, ut Editionem hanc carminum Quadragesimalium, ex Æde Christi professorum, æquo animo accipias. Non est meum de illius meritis judicare: quod autem est, verè profiteri possum; me nihil eorum, quæ potui, neglexisse, quò expectationi Subscribentium, & honori illius Ædis, bonarum artium & ingenii semper fautricis, cui tantum & olim & jam debeo, responderet. Hunc si votorum finem affecutus fuero, ingens accedet cumulus lætitiæ, quam ex fructu libri, utcunque magno, vix aliàs persentirem.



CARMINA

QUADRAGESIMALIA.

*An Quicquid sit in Intellectu intret per
Sensus? Affr.* *Arch. Gen.*



QUID Superi vellent, quid fata ar-
cana monerent,
Gens quærit patriis quæque o-
perata sacris.

Affyrius, cui tota datur convexa tueri,

Cui tellus lato limite plana patet,

A

Obfer-

Observat Solisque vias, Lunæque labores,

Et qualem ducant sidera lapsa facem.

Collibus at circum clausus, nemorumque tenebris,

Fatidicæ monitus Atticus haurit avis ;

Seu liquidas edat felici gutture voces,

Seu faustum pennâ præpete radat iter.

Inter odoratos fylvis felicibus agros

Accensi lustrat munera thuris Arabs :

At Divûm interpres Clitumni ad pascua Tuscus

Fumida sacрати consulit exta bovis.

Media equûm domitrix hinnitus captat equinos,

Et Druidum in fylvis omina quercus habet.

Inventor quæcunque oculus præceperat, ista

Sola animus sequitur, sola fidelis amat.

An Contraria se mutuo expellant? Affr.

HOrrendos atrox animo Medea furores

Dum fovy, & versat vindice tela manu ;

Efferat

Efferæ discordi turbantur pectora motu,
 Misceturque minis durus in ore dolor;
 Turbidaque ambiguos profundunt lumina fletus,
 Et furiiis ingens exagitatur amor:
 Intentatque simul, timidofque recolligit ictus,
 Nec femel attonitæ diriguere manus.
 Heu! quoties sævis vicibus cessere, furore
 Pulsus amor, dubio pulsus amore furor!

An Omnia vergant ad Interitum? Affr.

Q Uà nudo Rosomonda humilis sub culmine tecti
 Marmoris obscuri fervat inane decus,
 Rara intermissæ circum vestigia molis,
 Et sola in vacuo tramite porta labat.
 Sacræ olim sedes riguæ convallis in umbrâ,
 Et veteri pavidum Relligione nemus.
 Pallentes nocturna ciens campana sorores
 Hinc matutinam sæpe monebat avem:

Hinc procul, in mediâ tardæ caliginis horâ,

Prodidit arcanas arcta fenestra faces.

Nunc muscosa extant sparsum de cespite faxa,

Nunc muro avellunt germen agreste boves.

Fors & tempus erit, cum tu, Rhedycina, sub astris

Edita, cum centum turribus ipsa rues.

4 *eccl* *An omne Corpus componatur? Aff^r.*

PAUPER aquæ lentis incedit flexibus Isis,
Tame, tibi focias implicitura manus.

Addit aquas Lodona, umbrata fidelibus alnis,

Flumen Mænalii crimine facta Dei.

Leva vago lasciva trahens sinuamina lapsu,

Castaque cœruleæ Vandalis unda subit.

Cana Thetis properat, gressuque illapsa silenti

Condit humo tacitum Molis operta caput.

Radit iter celeri piscosa Cenetio lymphâ,

Candida de niveo Veia fonte venit :

Colniaque incedens per amoena cubilia florum,

Et Darenta, vetus cui notat ora cruor.

Mille patent fontes, centum vaga flumina currunt,

Surgit & è mistis Thamefis unus aquis.

*An ejusdem Effectus plures sint Cau-
sæ? Aff^r.* *Keith*

Ingenii urbani, teneræque Fidelio formæ,

Ille puellaris gloria prima chori,

Consultus dubii moris, cultûsque decori

Arbiter, & blandâ sedulitate placens,

In speculum moriens mutatos exuit artus ;

(Sic bene consuluit fida, favensque Venus)

Quem sua sic Narcissâ colat, quem consulat unum,

Luceat in nitidis purpura quanta genis,

Quàm benè lascivo crines sinuentur in orbe,

Quàm deceat gemmæ lactea colla nitor.

Languida conceptos tecum meditatur amores,

Et facili risus instruit ore leves.

Te pulchræ, te turba colit juvenilis ut olim,

* Sed fastidit adhuc turpis & odit anus.

An Motus Naturalis sit in initio tardior, in fine velocior? Aff^r.

DUM fœdam foveat Othello sub pectore pestem,
Ira anceps miserum torquet, & æger amor.

Illa, inquit, sacri temeravit fœdera lecti,

Illa, heu! luminibus carior usque meis?

Jam somni valeant securi, & pristina mentis

Gaudia, in æternum dia valeto quies.

Jam ferratæ acies, fremitusque, & vividus æris

Clangor, & instructi Martis imago, vale.

At nigri luctus, & somnia dira venite;

Cura sepulchrali veste recincta veni.

Quin jam flagra parat, colubrosque intendere Erinny,
 Membraque sulphureo mergere tosta lacu.
 Vires usque novæ accrescunt; & qui prius ægrè
 Indoluit, sensim progrediendo furit.

An omne Corpus habeat suum Ubi? Affr.

OXoniæ antiquas collis quæ despicit arces,
 Subjicitur lato limite dives ager.

Umbrosæ hîc valles, mollique tumentia clivo

Prata virent; juxta fluctuat alma seges.

Hæc inter Thamesis lento sinuamine plenus

Labitur, & tacitâ gramina mordet aquâ.

Præfractæ circùm falices, & aquatica sylva;

Pascit diffusos utraque ripa boves.

Hîc pendere græges de collibus, inter & ulmos

Antiquas fumum volvere villa procul.

Hîc secura quies, industria læta laborum,

Aurea libertas, & roseo ore salus.

Cynthius has olim fedes cum viderat, inquit,
Pinde, vale; Phœbi fit Rhedycina domus.

An Cœlum agat in Animum? Neg^r.

O Ubi, ait Pastor Scythiæ deferta peragrans,
O ubi secretis saltubus, Orra, lates?

Cernere si liceat, tremulo de vertice pinûs.

Explorarem annes, & tibi chara juga.

Quin tu, qui cœlo humentem jam discutis umbram,

Dic age, quâ gestit lumine læta novo?

Vos celeri cursu spatium transmittite, Cervi,

Quâ pigrum informis signat arundo lacum.

Quin agite, O Cervi, steriles transmittite valles:

Longâ nocte aderit mox glacialis hyems.

Tunc etiam carpemus iter; non frigora terrent,

Non tenebræ, aut rapido turbine grando strepens.

Ibimus, Orram hilari celebrantes carmine; & idem

Brumâ, atque æstivâ luce manebit amor.

*An Agentia habeant determinatam
Sphæram Activitatis? Affr. *Revis**

Fert iras & tela Jovis regina volucrum,
Et per inane volans ardua radit iter.

At gelidæ cygnus formosior accola ripæ

Alarum nitidas mergit in amne nives.

Populeâ nocturna fedet Philomela sub umbrâ

Dulcem iterans questum, flebilis, orba parens.

Colli imbellæ decus Junonius explicat ales,

Et caudæ pulchro firmate pingit humum.

Turtur ab aëriâ Cythereïus ingemit ulmo,

Inque tuo gremio, Lesbia, passer agit.

Quemque suas sedes jussit Natura tueri,

Et data quisque sibi limina fidus amat.

An Effectus requirat Agentem proportionatum? Affr.

QUam cecinit priscum veracis carmen Homeri,
Gentibus Eois nunc medicina manet.

Inde subit membris habilis vigor, inde lepores,

Et vaga prædulcis risus in ora venit:

Inde sopor placidis furtim subrepat ocellis,

Et lepidè ludunt somnia mille modis.

Sæpe per ingenuis halantes floribus hortos

Ire, vel ad molles solvere membra choros:

Sæpe putant avium mulceri cantibus aures,

Aut errant ripis lene fluentis aquæ.

Salve, O Nepenthe, longum deducta per ævum,

Salve, digna gerat quam pretiosus onyx.

Tale nihil dedit Indorum ditissima sylva,

Tale nihil, Bacchi cura, Falernus ager.

An Fontes trahant originem ex Vaporibus? Affr. *Impag*

SOL tepidos radens ponti per cœrula rores
Lascivo ad cœlum dat fluitare Noto.

Cogitur interea nubes, mox æthere toto

Descendens prono verberat imbre juga.

Tum raræ insinuans per plexa foramina terræ

Lenta sub occultis labitur unda viis.

Inde super tophos, & faxa recentia musco

Gemmea cœruleæ vena tremiscit aquæ.

Vallibus umbrosis, patrios linquentia colles,

Confundunt lapsus mille fluentia vagos.

Mox villas lambens, gregibusque albentia prata,

Radit arundineum plenior amnis iter.

Fontibus his orti, per centum immania regna

Volvunt spumosas Nilus & Ister aquas.

12. *An Vita consistat in Calore? Affr.*
Hardham

UT primùm extulerit purum Sol aureus orbem,
Humidaque obliquo lumine prata micant;
Confestim volucrum perfultant agmina dumos,
Et liquidis mulcent cantibus omne nemus.
Tum corvi, solâ lapsi de turre, volatu
Ulmorum radunt culmina rauca vago.
Nunc & decutiens gelidos de corpore rores,
Lascivis agitur cursibus acer equus.
Armentum, effuso procedens agmine, crebro
Mugitu placidum gaudet adesse jubar.
Jamque humilem pastor properat recludere portam,
Hesternumque alacri voce revisit opus.
Ipsa ex obscuris serpens revoluta latebris
Squamea in aprico tramite terga plicat.
Utcunque ingrâtâ nox terret imagine mortis,
Continuò vitam dat renovata dies.

13

*An omne Corpus habeat determinatos
sui Fines? Affr. Harley*

EXefæ rupis latebroso in vertice foetus
Educat implumes fida ministra Jovis;
Molliculos nido pullos Philomela recondit,
Quà pandit tremulas populus alba comas;
Papilio croceis infidens floribus ova
Spargit; muscoso pumice vespa parit;
In stagnis foedam diffundit garrula prolem
Rana, & limosis sedula nutrit aquis.
Præscriptos fines dat rerum provida mater,
Et jubet in propriis quæque vigere locis.

14 *An Idem semper agat Idem? Affr. La Harpe*

Conjugis ingrati queritur perjuræ tristis
Medea, in vacuâ sola relicta domo.

Sæpe

Sæpe animo occurrunt lætæ, quas prodidit olim,

Sedes, & chari dulcis imago patris.

Sæpe minax coram visus consistere frater,

Cognatâ ostentans vulnera facta manu.

Nequicquam visu suspectat supplice matrem

Amplexa effusos parva propago sinus;

Illa immota manet, ceu curvo in littore rupes,

Quam frustra infani verberat unda maris.

Idem, qui patriâ miseram discedere iussit,

Torquet adhuc duro vulnere sævus amor.

15 *An Privatio sit Principium? Affr.*

Edinburgh

VEsperere sub verno, tandem actis imbribus, æ-
Guttatim sparsis rorat apertus aquis. ^{[ther}

Aureus abrupto curvamine desuper arcus

Fulget, & ancipiti lumine tingit agros.

Continuo sensus pertentat frigoris aura

Vivida, & insinuans mulcet amœnus odor.

Pallentes sparsum accrescunt per pascua fungi,

Lætius & torti graminis herba viret.

Plurimus annosâ decussus ab arbore limax

In putri lentum tramite fulcat iter.

Splendidus accendit per dumos lampada vermis,

Roscida dum tremulâ femita luce micat.

Non hæc præstiterat lætus spectacula vesper,

Nubila texissent nî prius atra diem.

16

An Effectus requirat Agentem propor-
tionatum? Affr. Inq.

ARgivam in Thebas pubem bellator Adraſtus
 Tempora defuetâ caſſide preſſus agit.

Huic juxta Hippomedon audaci fronte, Typhoëus

Qualis in adverſos cum tulit arma Deos.

Hic membra oſtentans immania Parthenopæus

Maternum clypei tegmine torquet aprum.

Hic

Hîc rupta indignans Polynices fœdera, & acer

Tydeus sanguineo lumine torva tuens,

Hîc belli eventus varios sub corde volutans

Amphiareus niveos æquore flectit equos.

In medio Capaneus fœvum caput altiùs effert,

Moliturque gravi tela corusca manu.

Heroum tali cinctas circum agmine Thebas

Quid tegetet, præsens nî manus ipsa Jovis?

An Locus conveniat Locato? Affr.

EXesi latere in montis, sub rupe cavatâ,
Antra situ tristi squalida Cura tenet.

Ante fores fœvum exhalat lacus ater odorem,

Dependet pronò margine rara salix.

Hîc jejuna ululat canis, obscœnasque querelas

Importuna iterat noctua sola sedens.

Circùm errant flentes animæ, tristemq; per umbram

Ferales agitant lurida Spectra choros.

Intus Cura oculos volvit per singula, & omnes

Arrectâ captat pervigil aure sonos.

Lenta minutatim macies depascitur artus,

Fœdaque perfundit lividus ora color.

Tum cano rari sparguntur vertice crines,

Et cohibet fluidos fordida zona sinus.

Non quisquam tali fit dignior incola fede,

Nec tibi, Cura, magis convenit ulla domus.

An Idem sit causa Diverforum? Affr.

DUM Patris ad folium modulantur carmina
[Musæ,
In medio festam pulsat Apollo lyram:

Læta Venus cœli stellata per atria ludit,

Horarumque levi Gratia juncta choro:

Demissis utrinque alis, æterna Tonantis

Sceptra super, somnos regia ducit avis:

Ipse etiam oblitus belli fera munera Mayors

Oblectat blandis aspera corda sonis.

At si quis, læsi quem turbat numinis ira,
 Impurâ Aonios imbibit aure modos;
 Continud ingenti curarum fluctuat æstu,
 Effrænusque quatit territa corda furor.
 * Idem, qui Superis cantus dat gaudia, fontes
 Ipsâ Tisiphone sævior hostis agit.

*An Mors & Senectus omni Animato
 conveniat? Aff^r.*

Picta auro, & nitidis variata coloribus alas,
 Musca, veni nostris hospes amica scyphis.
 Hospes eris, madidæ seu te moderatior uvæ,
 Haustus seu recreet plenior, hospes eris.
 Indulge geniali horæ, faciliq̃ue Lyæo,
 Dum sævum Lachesis tarda moratur opus.
 Nam tua, devolvi præceps, brevis interit ætas,
 Et nostra est parili præcipitata fugâ.

* Vide Pind. Pyth. 1.

Non tamen est, fortem cur indignemur iniquam;
Virgilius periit, Virgiliique culex.

20
An omne Corpus componatur? Affr.

Effinxit, quondam blandum meditata laborem,
Bafia lascivâ Cypria Diva manu.

Ambrosiæ succos occultâ temperat arte,

Fragransque infuso nectare tingit opus.

Sufficit & partem mellis, quod subdolus olim

Non impunè favis surripuisset Amor.

Decussos violæ foliis admiscet odores,

Et spolia æstivis plurima rapta rosis.

Addidit illecebras, & mille & mille lepores,

Et quot Acidalius gaudia Cestus habet.

Ex his composuit Dea bafia; & omnia libans

Invenias nitidæ sparsa per ora Cloës.

An omnis Materia appetat Formam? Aff^r.

QUà videt egregiam præstanti corpore nym-
[pham,
Protinus assueto Jupiter igne calet:

Mentitum variâ celatur imagine numen,

Cedit & ignoto multa puella Deo.

Albus olor tibi, Leda, placet; quid Leda negaret,

Dum petit amplexus Jupiter albus olor?

Munera si Danae poscat, nocturnus adulter

In nymphæ aurato defluit imbre finum.

Alcmena ante alias fidissima sponsa marito

Creditur, Alcmenam decipit ipsa fides.

Quæ Jovis amplexus renuat castissima virgo,

Cum fit, quicquid amat quæque puella, Deus?

An

22 *An Forma sit Causa? Aff^r.*

TE formâ insignem, Stratonice, Zeuxidis olim
Pinxerat in tabulis ingeniosa manus:
Pinxerat at nudam, & circumdata militis ulnis
Colla, pudicitiae non sine labe tuæ.
Effugit inde tuas pictor temerarius iras,
Et linquit patrios flebilis exul agros.
Sed cum visa tibi divinæ gratia frontis,
Et molles oculi, purpureæque genæ;
Diceris aspiciens vultu risisse benigno,
Et profugum patriis restituuisse focis.
Ignoscis, quod non referas virtute Dianam,
Cum formâ es, qualem non habet ipsa Venus.

23 *An Cœlum agat in inferiora? Aff^r.*

SI cupias varios cœli prædiscere vultus,
Quis nimbofus erit, quis sine nube dies;

Cui

Cui Margelinæ nomen fecere coloni,

Fida poli interpretres plantula signa dabit.

Si folia expandat latè vegetabilis index,

Sol tepido lætos lumine mulcet agros.

Cum pigro gravidæ glomerantur in æthere nubes,

Auraque nigranti foeta vapore tumet,

Se lasso inclinât collo, pluvixque futuræ

Confucia pallentes contrahit herba comas.

Confule ne tabulas, quas profert annuus augur :

Temperiem cœli certior herba monet.

*An dentur Sympathia & Antipa-
thia? Affr.*

A Spicis ut plantas odium crudele fatigat,
Infitus & vario in femine regnat amor.

Indignata hederæ refugit connubia vitis,

Vicinoque negat luxuriare situ :

Illa sed aspirans lascivè circuit ulmum,

Læta maritales implicuisse comas.

Si porrum tetros juxtà diffundat odores,

Fragrantem vestit purpura læta rosam:

Sin sterilem taxus vicina extenderit umbram,

Purpureum arenti languet in ore decus.

Malus amat palmam, foetuque gravefcit, ad auras

Si durum corylus proxima vimen agat:

Poma ibi degenerant succos oblita priores,

Quà tristes cerasus pandit amara comas.

Nil profunt faciles terræ, nil humor, amicâ

Arbore nî plantam confociare finas.

An Materia sit capax omnium Formarum? Affr.

Flexibili formas edocta incidere chartæ
Armatur bifidâ forfice pulchra Chloë:

Pro libitu varias excudit nympha figuras,

Accipit impressam chartula scissa notam.

Hic nutat surgens longo ordine tonsilis arbor,

Multaque sub patulâ fronde creatur avis.

Hic Venus, & niveæ apparent, sua cura, columbæ,

Illic in vetitos fertur Adonis apros.

Nil plus Praxiteles potuit, neque Coüs Apelles,

Arte nihil tantâ Lydia fecit acus.

Plectro Orpheus tantùm potuit nemora alta movere,

Et nemus & motum sufficit una Chloë.

An Effectus requirat Agentem sibi proportionatum? Aff^r.

FReinde O, cui citharæ & medicinæ fautor Apollo
Ipse suas artes, & sua dona dedit;

Seu nunc Harvæi blando sermone fruaris,

Seu sis Hippocrati, Radcliviove comes;

Delicias populi te patria mœsta requirit,

Grande decus nostrum te Rhedycina gemit.

Tu tamen ingenium, virides tu deferis annos,

Eludit medicam febris iniqua manum.

Qui tibi par, solus nôrit tibi ferre salutem,

Debilior nullam dextera præstat opem:

An Aer sit soni Vehiculum? Affr.

BLanda Echo, nemorum cultrix, gratissima Nym-
[pha,
Nympha, latens refono non adeunda specu:

Quà violis pictas valles, & florea rura

Mæander tacitis mordet amœnus aquis:

Quà tibi nocturnas iterans Philomela querelas,

Infelix mater, flebile, dulce canit:

Dic, ubi Pyrrha latet, gressusque fatigat amantis,

Fallere sollicitos ingeniosa procos?

O si quà gelido tecum cessavit in antro,

Aut temerè in molli fessa reclinat humo;

Sis præfens, Nympha, & durum miserata laborem
 Suspenfos placidâ dirige voce pedes.

Sic ascriptâ choris Superûm, & decus addita Divis,
 Cœlestes referas gratiùs ore sonos.

An Natura aliquid agat frustra? Neg^r.

Path.
QUà gens dura virûm sublimem suspicit Arcton,
 Aversumque rotas, pallide Phœbe, jubar;

Flammarum longi sparguntur in æthere tractus

Per noctem, & tremulo lumine cuncta notant.

Non gravidam pingit nubem formosior Iris,

Verna nec Auroræ lætiùs ora rubent.

Fluctuat hîc dubio sinuosa volumine flamma,

Hîc rapidum argutâ cuspide scindit iter.

Igneâ nunc vastæ coëunt convexa coronæ,

Nunc diffusa vagas excutit aura faces.

Hæc, Natura, paras nitidæ spectacula noctis,

Phœbeæ ut pensent tædia longa moræ.

29 *An Natura sit perfectior Arte? Affr.*

Harpe **E** Lectræ miseras dum sustinet histrio partes,
Wells Flens Agamemnoniæ tristia fata domûs;

Ipse miser nati cineres, urnamque recentem

Deponi patrios imperat ante pedes.

Hinc veræ erumpunt lachrymæ, gemitusq; frequentes,

Vivus & ardenti spirat in ore dolor.

Miratur tantos spectatrix turba labores,

Et socio luctu spissa theatra gemunt.

Quos nequit ars, ficti nec Orestis funera, motus

Accendit patris non simulatus amor.

30 *An Idem semper agat Idem? Affr.*

Harley **D** M gravibus Roma imperiis oppressa Neronis
Harley Multiplici procerum cæde cruenta gemit;

Spirat adhuc virtus Senecæ morientis in ore,

Elòquioque gravi frigida lingua sonat.

At mediâ effundit Lucanus carmina morte,

Et solito Phœbi numine raptus obit.

Te quoque, Petroni, extremis comitantur in horis

Et chorus & cantus, & vetus hospes, amor.

Quem nec fata movent, nec vis infensa tyranni,

Constans una ipso in funere cura regit.

31
me *14* *An omne Corpus componatur? Affr.*

Pictam Hyblam linquens, cultique rosaria Pæsti,
Huc ades ornatis, candida Flora, comis.

Huc ades, & Charites tecum, Nymphæque sorores:

Serta rogat Phyllis,nectere ferta tuum.

Una paret calathis infundere lilia textis,

Altera virgineas subsecet ungue rofas.

Fer, Dea, fer vernos, aperit quot Tmolus, odores,

Ubere quot spirat fertilis Enna solo:

Fer violas, queis jam sublucet purpura prima,

Queisque modò tremuit roscida gutta, crocos.

Narcissumque addas, sed quem furtivus odore

Nectareo nondùm despoliavit apīs.

His sese insinuet molli incurvamine myrtus,

Myrtus ab Idaliis usque petita jugis.

Omnibus his scitè positis textisque, corolla

Prodeat apta comis Cypridis, apta tuis.

32

An Corruptio unius sit Generatio alterius? Affr. Markham

BRuma novo veri cum primùm cesserit, imber
Plurimus in bibulos præcipitatur agros.

Ille facit varios sensim succrescere foetus,

Ille jubet sylvas fronde virere novâ.

Non alio auxilio grandescit vivida quercus,

Non alio floret forma caduca rosæ.

Tum variæ generantur aves, atque aucta quotannis

Frondiferum mulcet turba novella nemus:

Et

Et vituli fortes detondent pabula læta,

Et ludit patriis hœda petulca jugis.

At pluvii pereunt rores, & semina pura

Putrescunt toto dissociata solo.

Multiplicem ut prolem generatim terra propaget,

Suppeditat vitam mors aliena novam.

33

Burkham

An Simile agat in Simile? Affr.

DUM tabulam calamo felici tinxit Apelles,
Mænalium mirâ duxerat arte Deum;

Duxerat inflatum venas, fomnoque solutum,

Porrectum toto squallida membra solo.

Quin patulas nares, vultumque effinxit agrestem,

Informesque artus, semiferumque caput.

Inde sibi plaudens, quid, ait, si addatur imago

Alterâ, ut accedat major utrique decor?

Ergò Deo adjunxit puerum, & vestigia fecit

Suspensò furtim ponere cauta gradu.

Miranti similem cernas, similemque timenti,
 Usque adeò ambiguus fluctuat ore pavor.
 Concurrent cives; nec longum, immania Pictor
 Miratur nullis membra placere Dei:
 In puero hærebant omnes, quæ gratia vultûs,
 Dicunt, quâ tacitus ducitur arte stupor!
 Humana affectus humani pectora tangunt:
 Pulchra inter Satyros Panis imago foret.

34p
*An quicquid sit in Intellectu intret per
 Sensus? Affr.*

QUâ Coelum Mahumeda suum, sua Tartara finxit,
 Scriptoris patriam pagina quæque refert.
 Felices inter fedes ea gaudia spondet,
 Quæ velit assiduo sole perustus Arabs.
 Hîc, inquit, puri latices, & mollia prata,
 Et muscosa inter saxa perennis aqua:

Hîc

Hîc ver assiduum floret, dum frigora spirans

Per tremulas avium fibilat aura domos:

Hîc antro in viridi faciles ad vota puellæ,

Et precibus nullis sollicitandus amor.

Tum poenas Erebi memorat, tristesque tenebras,

Æstus ubi candens urit, & ægra fitis:

Quà colubri immanes squallent, quà torrida pestis,

Quà vitiat pigras tabidus Auster aquas.

Non alias animus sibi spes depingere novit,

Non alios, sensus quàm docuere, metus.

An eadem Causa semper producat eundem Effectum? Affr.

MOrtua, lascivum resoluta liquefcit in ignem,
Aut abit in molles singula nympha Notos:

Æthereosque trahens haustus, tenuissima turba

Verfat ad æstivum lucida membra jubar.

Gaudet

Gaudet adhuc circùm molles operosa puellas

Versari, & veneres suppeditare novas.

Curat uti dulces commendent oscula risus,

Purior ut sensim prodeat ore rubor:

Nè quatiat comptos animosior aura capillos,

Nec foedet pulchras pustula sæva genas:

Neve recens maculâ violetur purpura palli,

Excidat aut niveo pendula gemma sinu.

Corpora nympharum vacuas tenuentur in auras,

At studia in memori pectore prisca manent.

³⁶ *An Cælum agat in inferiora? Aff^r.*

¹⁶⁴ **M**Aia, veni, Zephyris & leni mollior aurâ,

Maia, veni, ludis & comitata choris.

Nubila te fugiunt, tibi splendet lucidus æther,

Explicat & primas dædala terra rosas.

Ipsa Venus jam nunc ridentes migrat in agros,

Et festiva levis rura pererrat Amor.

Et jam dura procis incautos spirat amores,

Et sensim molli carpitur igne Chloë.

Jam choreas celebrare juvat, passimque per arva

Mollia ad argutos membra movere modos.

Concipit hos motus quæ nympha Decembribus horis?

Et quæ non tecum, Maia, calente calet?

34
MacKinnon *An detur Sympathia? Aff^r.*

JAM moritura super miserum Panthea maritum
Ingemit: — O major pars, meliorque mei!

Anne igitur mors divellet, quos una voluntas

Vinxerat, & certo foedere junctus amor?

Tu mota ad numeros laudabas membra decoros?

Tum volui choreis implicuisse manum.

Carmina siqua tuam mentem tetigere, juvabat

Pollice vocalem sollicitare lyram.

Ripa umbrosa tibi, gelidusque placebat Araxes?

Et mihi festinans dulcè sonabat aqua.

Seu libuit rigidum canibus lustrare Niphatem,

Optavi teneros per juga ferre pedes:

Optavi densas indagine cingere sylvas,

Duraque lanificâ prendere tela manu.

Huc etiam fatis gressus comitabar iniquis,

Nec me pertæsum est horrida castra sequi.

At nunc crudelis ceperunt tædia vitæ,

Nunc & amara mihi nox, & amara dies.

Audivi, jamdudùm eadem me fata vocârunt,

Jamdudùm impatiens perfurit ossa dolor.

Tecum, qualis erat, fociabam gaudia vitæ,

Quid moror & tecum mortis inire viam?

30
An Omnia agant per Instinctum? Affr.

* **M**ollia nè Veneris pateretur vulnera, natum

Dicitur in sylvis oculuisse Pater,

Quà volucrum cantus inter, fociasque latebras

Otia securè tristitia solus agat.

Attigerat quinti juvenis confinia lustris,

Cum jam deferuit ruris operta fui.

Sollicitos hominum strepitus, urbisque tumultum

Admirans oculis singula quæque notat.

Fœmineæ placuit præ cunctis gratia formæ,

Et, quid, ait, species hæc inopina mihi?

Cui Pater; hæc avis est nostris incognita sylvis,

Invisa, & nimia garrulitate procax.

Ille autem: O nostros adeat formosa recessus

Hospes, & exilii sit comes una mei.

Illic assiduus tam ex omni parte decoram

Ipse fovebo lubens, ipse tuebor avem.

An Materies sit capax omnium Formarum? Affr.

NON solum vobis geritis vos cornua, cervi,
Cornua non solum tu tibi, taure, geris:

Qui

Qui sapit, hæc varios collecta reponit in usus,
Artificis lento culta labore manûs.

Tortilis hinc lituus pugnas accendet, & arcus
Ex humero nitidum conspicietur onus.

Hinc rauçum expromit venatrix buccina cantum,
Hinc tibi largitur, rustice, vina calix.

Hoc instructa suos percurrit pectine crines,
Et regit, & doctâ dividit arte Chloë.

Protegit hoc tenui studiorum elementa tabellâ,
Ne terat indocto pollice scripta puer.

In quascunque voces artes, it flexile, belli,
Nympharum, studii, lætitiæque comes.

40 An Idem semper agat Idem? Affr.

STat domus antiquis Romæ suffulta ruinis,
Olim sacra tuis, læte Lyæe, choris,

Quæ vel adhuc fida, & veteris non immemor usus,
Dona sui servat, lætitiâque Dei.

Venditat hîc caupo, quicquid vindemia felix

Mittit ab Hispanis, Italiæve jugis.

Manè novo hîc bibuli juvenes libamina fundunt,

Et calet apposito ferior hora mero.

Roma alios utcunque Deos à mœnibus arcet,

Lenæum solitâ relligione colit.

*An Contraria possint esse in eodem Sub-
jecto? Neg^r.*

DUM super Idaliæ montes dilectus Adonis
In gremio languet, Cypria Diva, tuo;

Neglectum nigrâ dependet ab ilice cornu,

Nec ciet immissos per juga summa canes.

Hinc laxis arcus nervis, vacuæque pharetræ

Ad latus, & fractâ cuspide tela jacent.

Qui modò per rupes scopulosque cupidine prædæ

Aut ceryum, horrendos aut agitabat apros,

Gaudet odoriferas inter requiescere myrtus,

Subiectasque super ponere membra rofas.

Nil studium, O Juvenis, nil te movet altera cura,

Solus in enervi pectore regnat amor.

42

An Essentiæ rerum sint Æternæ? Affr.

A Spice, fornaci inclusam, flammisque subactam,
Ut Chymicus variâ torqueat arte rosam!

Admotis sensim languescit pallida flammis,

Gloriaque hortorum fit resoluta cinis.

Mox tamen hæc Opifex reparat dispendia, pulvis

Vi flammæ prodit fervidiore vitrum.

Igneæ vis pergat: veterem Rosa falsa figuram,

Ut prius in prato, conspicienda nitet.

Nata semel non vi, non arte peribit, at ignis,

Qui solvit, reducem dat tibi, Flora, rosam.

An

An Natura agat frustra? Neg^r.

DIis Sociis, Superûmque fruatur ne&are, quif-
[quis
E corio docuit fingere primus Utrem.

Vitrea casu aliquo frangantur vasa, tenacem

Sed potis est casus lædere nullus Utrem.

Percita Phœbeis radiis ampulla dehiscat

Lignea, sed Phœbo cedere nescit Uter.

Tempus Utrem imminuat, (quid non damnosa vetu-
[stas

Imminuit?) trito fit suus usus Utri:

Cervisiæ & Bacchi si desinat esse minister,

At soleas ocreis suppeditabit Uter.

*An Quicquid recipitur ad modum Reci-
pientis recipiatur? Aff^r.*

TImoleon dum bella movet fatalia Pœnis,

Et numero inferior castra inimica petit,

Occur-

Occurrunt oneratæ apio lento agmine mulæ,

Et rectum impediunt progredientis iter.

Continuò exclamant turmæ; quò tendimus ultrà?

Infelix apium sola sepulcra tegit.

Dux autem trepidis præfens succurrere rebus,

Jupiter hoc omen ritè secundet, ait:

Isthmius hâc ludus victorem fronde coronat,

Vestra etiam patrius tempora cinget honos.

45

*An omne Corpus habeat determinatam
Activitatis sphaeram? Affr. Hade*

CUR arma expediunt juvenes, cur gens tua bello
Mota est, quid classis solvere vela parat?

Æaciden prudens sic percontatur amicus.

Scilicèt ut cedat Roma superba mihi.

Sis felix: & quid captâ facis, inclyte, Româ?

Italiae reliquum vincere, ludus erit.

Et, Latio accepto, quò curritur? — Indè, quid obstat,

Quin nostrum accipiat Trinacris ora jugum?

Mox vento facili feror ad Carthaginis arces.

Magna petens, magnos, Pyrrhe, fateris avos.

Nempe tuo adventu cerno tremere ostia Nili,

Et Gangem, & motos ad tua signa Scythas.

Orbe peragrato tandem, ductisque triumphis,

Quæ voti superest ultima meta tui?

Tum, Cineas, exclamat, traducens lenitèr ævum

Sumam inter risus lætitiæque dies.

Non opus, alter ait, gentes vexare quietas:

Hoc vel in Epiro defidiosus agas.

An Privatio sit Principium? Affr.

COmica ceu fingit Riforis vena, jubetur,

Quisquis adest Stygiæ, nudus adesse, rati.

Fœdere non alio lucis confidit amoenis,

Non alio nigras trajiciendus aquas.

Dejicit hic palmas, deductaque stemmata moerens:

Illum angit nitidis rapta tiara comis.

Hic animo vix tandem invito linquere fastum

Cogitur, & vilem vilis inire ratem.

Hic vultus indetonfos, Sapientis honores

Abjicit; hic doctæ pondus inane togæ.

At Phyllis fictas iras, vultumque procacem

Mittit, quique fuit plurimus ore decor.

Conditionem aliam Tellus, aliam optat Avernus:

Pone prius veterem, deinde fruire novâ.

An Omne habeat suum Ubi? Affr.

HUC, Dea, cum geminis huc, alma, sororibus
 Huc, præcincta comas floribus, Euphrosy-
 Et vaga Libertas, Hebéque procacior adfit,

Et fratrum quot sunt agmina, ducat Amor.

At procùl hinc luctus, operosaque tædia mentis,

Pallidaque avertat sollicitudo pedem.

Quin agite, ô Lepidæ; liceat nemora alta subire,

Atque manum vestris implicuisse choris.

Ducite quâ faciles nutus, oculique loquaces,

Et quâ cum risu liberiore joci.

Ducite, quâ teneras invitant verna puellas

Cum pueris festum ducere prata diem:

Quâ vaga per valles umbrosas labitur unda,

Quâ clivi molles, quâ levis aura vocat.

Ægra alii studia, & curas sectentur edaces:

Hæc vos præstetis gaudia, vester ero,

48
An detur Sympathia? Affr.

Nigram induta stolam, atq; oculos obducta de-
[coros,
Diva potens luctûs, Cura verenda, veni,

Et simul auratis vaga Contemplatio pennis,

Cúmque verecundâ sit Gravitate Quies,

Ducite, quâ sacrae quercûs nigra accubat umbra,

Et quatit annosum pinea sylva caput.

Hîc dulces iteret questus miserabilis Orpheus,

Hîc grave Musæus ritè retractet ebur.

Et modò prætereant Tragicæ solennia pompæ,

Quà facer egregiâ pingitur arte dolor.

Et modò sublimes referantur ad Organa cantus,

Quà mens ad superos gestiat ire Deos.

Seria tristem animum tacitâ dulcedine tangunt:

Ite leves, vobis non vacat, ite Joci.

⁴⁹ *An Ars sit perfectior Natura? Affr.*

^{Null} **V**ivit adhuc, tabulis olim quem finxit Apelles,
Flosculus, antiquæ laudis & artis opus.

Nondum illi rutilos pulchrè variaverat ortus

Purus, qui nitido ridet in ore, decor;

Cum Flora infaustos calami miserata labores

Artificis vetuit longiùs ire manum.

Ipfa operi accingit sese, ambiguosque colores

Sufficit, & tremulos explicat arte finus.

Ardet

Ardet opus perfusum auro, nitidumque juventâ,

Quale suo capiti necteret alma Venus.

Incola Pæstani hoc miraretur in hortis,

Coryciusque suis vellet inesse fenex.

Hic non arefcet Phœbi propioris ab ictu

Flosculus, aut metuet quod ferat acris hyems.

Anxia, quod lætis reliqui moriantur in arvis,

Hunc Dea communi forte perire vetat.

An Corruptio sit rebus Naturalis? Aff^r.

Thamesis ad placidi ripam se tollit in auras,
Quæ Regum fervat funera, sacra domus.

Omnibus hîc suus extat honos, suaq; omnibus arma,

Et faxis horrens forma, vel ære minax.

Alma ducem niveis decorat Victoria fertis,

Flebilis ad nymphæ busta recumbit Amor.

At multo sublapsa ævo tandem æra fatiscunt

Fortia, Phidiacæ quæ statuère manus.

Illi marmoreâ caput à cervice revulsum est,

Huic tituli & memores interiêre notæ.

Nequicquam impositis onerantur membra sepulcris;

Hæc etiam juris sunt, Libitina, tui:

37. *An Bruta sentiant? Affr.*

QUodcunque humanos ars sedula fingit in usus,
Hoc de Naturæ provenit omne finu.

Dant ægræ documenta feræ, quæ planta medendo

Utilis, & sylvæ pabula monstrat avis.

Discitur ex talpâ fœcundam invertere glebam,

Ex verme, artificii texere fila manu.

Præcepit ventis intendere vela secundis

Nautilus, & remo sollicitare fretum.

Quin etiam stabilis quâ sit Respublica normâ,

Gens formicarum provida ritè monet.

Cernitur ut proprios, quanquam sub Rege, penates,

Liberaque indomitæ jura tuentur apes.

A qui-

A quibus has artes varias, hæc commoda vitæ
Accipimus, mentem quis neget esse feris?

52
An Effectus requirat Agentem sibi pro-
portionatum? Affr.

DIversos animos ut vincere possit Amantûm,
Diverfa Idalius dirigit arma puer.

Instruat emissas aquilæ si penna sagittas,
Magnanimi heroïs faucia corda dolent.

Sin alam telo pavonis cauda ministrat

Versicolor, molli vulnere Cotta perit.

Credula multiloquo cum virgo cedit amanti,

Pennatam præbet garrulus ales opem.

Accelerat jaculum Philomelæ pluma per auras?

Languentem captat Lesbia voce procum.

Cum ruit in venerem juvenum lascivior ætas,

Ictum communem passeris ala regit.

Hinc

Hinc passim nullo discrimine sternit amantes,
Tela gerens cordi cuilibet apta, Puer.

33
*An Materia sit capax omnium Forma-
rum? Affr.*

INnumeras servant antiqua numismata formas,
Et varium sculpto vivit in ære decus.

Capta sedet palmæ lugens Judæa sub umbrâ:
Panchaiæ decorat thurea virga manum.

Ægypto patriamque feram, fistrumque tenenti,
Visus abundantes volvere Nilus aquas.

Parthia fert pharetram, & metuenda sequentibus ar-
[ma:
Ante pedes Libyæ sævit alumna fera.

Te plexæ, foecunda, decent, Trinacria, spicæ;
Insistitque Orbi Roma superba suo.

Insidens scopulo, cubitoque Britannia nixa
Ausonium deflet, vix superata, jugum.

Diversas quæcunque agitant discrimina gentes,
Omnia stant fidis perpetuata notis.

54
hæc
An Contraria se mutuo expel-
lant? Affr.

BIni fata hostes tibi dum meditantur, Alonze,
Toxica clàm calici miscet uterque tuo.

Hæc jecur infanis torrere potentia flammis,
Altera fatali stringere membra gelu.

Continuò alternis agitant cruciatibus ægrum,
Et varias fubeunt viscera torta vices.

Nunc coit in stagnum concretus frigore sanguis;
Mox æstu indomito fervida vena salit.

At duplici de morte salus tibi parta, valentque
Utraque dum paritèr pharmaca, neutra valent.

55

An aliquid Violentum sit Diuturnum? Neg^r.

A Spicis ut, feris factura nepotibus umbram,
A posito quercus femine tarda venit.

Silvæ crescit honos paulatim: hinc tuta ruentes

Ventorumque minas fert, pluviumque Jovem.

Boleti, noctis parva incrementa prioris,

Pandunt albentes manè per arva sinus:

Insinuant tenues per fibras pabula roris,

Dum tremula in tenero gramine gutta nitet.

Ut verò humorem sol fervidus hauserit omnem,

Demittunt lassum tubera ficca caput.

Quæ tardè surgunt, ea læta & fortia surgunt;

Boleto vitam quæ dedit, hora rapit.

*An sublata Causa tollatur Effe-
ctus? Affr.*

IN gremio Ceston Veneris Saturnia portat
Subdola, ut incautum captet amore Jovem.
Egregias formæ dotes, & mille placendi
Illecebras magico clauferat orbe Venus.
Pulchrior incedit sensim regina Dearum,
Blanditiisque nitet conspicienda novis.
Jupiter insolitis uxorius ignibus ardet:
Conscia gramineum subjicit Ida torum.
Non hoc, Diva, tuæ debes, Saturnia, formæ;
Si Veneris desint munera, cessat amor.

An Aer sit soni Vehiculum? Affr.

AUra, veni, nostrisque medere laboribus, inquit,
Dum Cephalus viridi in cespite membra le-
[vat.
Adsis

Adsis ô, gremiumque intres gratissima nostrum :

O venias ulnis hospes amica meis.

Exaudit Procris strepitum, vocemque vocantis,

Dum densâ infelix condita fronde latet.

Fœdera jamque tori queritur temerâsse maritum ;

Cùm tenero accepit tela cruenta sinu.

Utcunque omnigenæ fervas commercia vocis,

Certè hos debueras, aura, filere sonos.

An Cœlum agat in Animum? Negr.

DUM tibi supremos abiens suspirat amores

Amplexu avulfus, pulchra Sufanna, tuo,

O mea cara, refert puppi Gulielmus ab altâ,

Fida mihi O fido sis, memorisque memor.

Me quascunque procùl casus jactabit in oras,

Nusquam oculis aberis, pulchra Sufanna, meis.

Indica gemma tui referet mihi lumen ocelli,

Nixque Alpina tuos, vix satis alba, sinus.

Suaveolens Arabum thus exprimet oris odores,

Dentes, quod Nili littore fulget, ebur.

Volvite me fluctus, rapidique, revolvite, venti;

Stat mihi firma fides, stat mihi firmus amor.

*An Sensus lædatur ab Objecto nimis
excellenti? Aff^r.*

DUM Christi mortem tabulis molitus Apelles
Pallida mirandis exprimit ora modis;

Nè spirans dolor absit, & impar langueat umbra,

In cruce pendentis perfodit ense latus.

Difficiles mediâ meditans in morte labores

Colligit, & raptim lugubre format opus.

Eluctantem Animam placidè crudelis adumbrat,

Torquentes oculos, pallidulasque genas:

Mollis ut elapso flaccescit sanguine vena,

Ut motu sensim languidiore micat.

Jamque extrema parans repetito vulnerat ictu,

Intimus ut sese prodat in ora dolor.

O Artis vis summa! O mira potentia fuci!

Ipse suum refugit Pictor, & horret opus.

60

An Terra circa suum Axem moveatur? Affr.

PHoëbe, premas currûs nimium properantis ha-
[benas,
Quæ vehitis lucem, lentiùs ite, rotæ:

En! hîc dulce moræ pretium, mea flamma decoro

Incedit vultu conspicienda, Chloë.

Quos fugis, Auroræ populi nil tale tulerunt,

Quos petis, occidui nil tibi tale ferent.

Hæc charus Phœbo Thyrsis: Cui talia contrà

Veridico ridens rettulit ore Deus.

Thyrsi, meos ultrò mittam, temone soluto,

Quos Vatum mendax fabula junxit, equos:

Nam

Nam tua digna Chloë, fateor, quam Phœbus adoret,

Pro quâ non pudeat perpetuare diem.

At dic, cunctantem quid me mora longa juvabit,

Dum rapit intereâ Terra rotata Chloën?

An detur Circulatio succi in Plantis? Neg^r.

SEdulus occultas Naturæ aperire latebras
Halesius, Vêteres quæ latuere, docet:

Impete quo fursùm tendit, quo tramite Plantam

Corticis inclusus tegmine succus alit.

Radicis bibulæ per hiantes pabula fibras

Imbibit, ut verno Planta calore viget.

Sole laceffitus furgit vegetabilis humor,

Attractoque cavos occupat amne tubos.

Indè canaliculos aliosque aliosque pererrans

Arboris ad summas emicat usque comas.

Per frondis venas exfudat inutilis humor,

Et rarefcentes excoquit ignis aquas.

Quid, si non succus peragat circumfluus orbem,

Nec prono ramos perluat amne redûx?

Sparfos per frondes emittit Planta liquores;

Quos supplet tellus, ut bibat usque novos.

62 *An Idem semper agat Idem? Affr.*

TAlibus affatur flentem Narcissa ministram,
Fatalem traheret cûm moribunda diem.

Non humili pompâ tristes celebrare peremptæ

Exequias, tuus hic ultimus esto labor.

Vestiri scabrâ nolim vel mortua lanâ:

Exanimis pallâ versicolore tegar.

Tum caput exornet subtili stamine limbus,

Quem Bruxellenses implicuêre nurus.

Et quoniam turpe est ipsum pallere cadaver,

Dextra tua assuetas ponat in ore rosas.

Narcissæ semper comptæ, semperque venustæ
 Prima fuit, fuerit cura suprema decor.

03
*An Effectus requirat Agentem propor-
 tionatum? Affr. Keith*

L Ittera quò nostræ reddatur tuta Corinnæ,
 Inquit Amans, aliâ quam tenet ora plagâ,
 Tu, volucris, tabulas, & mille & mille salutes
 Absenti dominæ, fida ministra, feres.
 Illius in gremium properes, & præpete pennâ
 Suspensum à collo munus Amantis agas.
 Sic non infidis rumpatur cera ministris,
 Et careat vigilis suspicione nurûs.
 Hancce libens operam misero præstabis Amanti,
 Idaliæ meritò sacra, columba, Deæ.

64 *An Vita consistat in Calore? Aff^r. Kei K.*

PArvula progenies Veris Zephyrique, Cicada,
 Quàm te Phœbus amat! quàm favet alma
 [Ceres!
 Maturæ variâ frueris dulcedine messis,

Dum præbet tenerum cespitis herba torum.

Omne tuum est, quodcunque finu de divite tellus

Sponte, vel humano culta labore parit.

Illic lacteolo furgunt tibi lilia collo,

Hic calices implet roscida gemma tuos.

Et quando exhaustos inter cadis ebria flores,

En! pro te fomnos omne papaver habet.

Deliciis tandem variis fatiata recedis,

Nec tibi, quæ lædit cætera, tristis hyems.

Sortem ultrà humanam felix, quæ frigoris expers

Et senii, Phœbo deficiente, peris!

An Ars imitetur Naturam? Affr.

* **V**irgineas simulacra Deus referentia formas
 Ignipotens mirâ Mulciber arte creat,
 Subnixus quibus ipse pedum vestigia firmet,
 Terrigenûmque adeat, Coëlicolûmque domos.
 Aurea cæsaries ollis per candida colla,
 Dulcis & in dubio subrubet ore pudor.
 Addidit & blandos risus, motusque decoros,
 Addidit & dulces, nec finè mente, sonos,
 Has formas oculis Juno spectaret iniquis,
 Ne Pater ipse Deûm crederet esse Deas.

*An duo Corpora possint esse simul in
 eodem Loco? Negr.*

EXtrâ Anni Solisque vias, ubi maxima surgunt
 Summi tecta Jovis, Coëlicolûmque lares,

* Vide Homeri Il. 2.

* Est specus umbrosus, canæ incunabula Noctis,

Et simul æternæ Lucis amœna domus.

Incedit rubicunda genas, risuque decoro

Altera, nigrantes altera fusa comas.

Illa simul surgens terris os extulit alnum,

Hæc vacua obscurum condit in antra caput.

Ampla domus, surgitque Deæ communis utrique;

Ampla, sed admissas non capit una duas.

67 *An detur Actio in distans? Neg^r.*

SIC Ithacum blando tentat modulamine Siren:

Siste tuum, Graiæ gloria gentis, iter.

Felix, qui nostris allabitur advena ripis,

Et dulces avidâ combibit aure fonos!

Quæ sint, quæ fuerint, quæ mox ventura trahantur,

Omnia divino carmine doctus abit.

Iliaci grave Martis opus, lentosque labores

Novimus, & magno quicquid in Orbe latet.

Siste ratem, siqua est variæ tibi gratia vocis:

Siste tuum, Graiæ gloria gentis, iter.

Jamque adeò blandus dubitantem flectere sermo

Coeperat, & sævæ dulcia fila lyræ:

* Quin agite, O Socii, date vela, impellite remos.

Urget iter tutum, qui procul urget iter.

An Anima sit ex Traduce? Negr.

TUrca ferox, ubi mors hominis depascitur artus,
In mutas Animum credit abire feras.

Inde dolet, si fortè vagans textricis arachnes

Incidat in tenues obvia musca plagas:

Sive catenatum cohibent nimis arcta sciurum

Vincula, delicias, flava Lycori, tuas:

Guttare seu liquido dulces modulata querelas,

Inclusa aurato carcere cantet avis.

Comprime singultus, lachrymæ volvuntur inanes,

Barbare; Non tanti est musca, sciurus, avis.

Crede, (Mahummetto quamvis renuente,) catervis
Mens nulla aligeris incola, nulla feris.

An Omnia habeant suum Ubi? Affr.

NAscuntur steriles faxosis montibus orni,
Populus in campis pinguibus alba viget.

Lenta falix placido proclivior imminet amni;

Seligit ulvosos alnus opaca lacus.

Irriguas valles hymenæis aspera laurus;

At declive jugum pronuba vitis amat.

Et si, flava Venus, Marti meditere corollam,

Frondet ad æstivas Cypria myrtus aquas.

Jasmini proles per murum effusa vagatur,

Vestit & ornatos ductilis umbra lares.

Maternum contenta solum sic diligit arbor

Quæque, nisi Orpheâ non focianda lyrâ.

An Idem sit Causa Diverforum? Aff^r.

Confusam areolam pingunt quot mille colorum!
Ut varium fundit prodiga Flora decus!

Hic caltha effuso dives distinguitur auro,

Tulippa hic vultu versicolore nitet.

Luteoli ut flavent amaranti, & lilia pallent!

Deliciae Phoebi molle, hyacinthe, rubes.

Narcissi, quondam pueri, nunc floris, amoena

Candor ut immisto vestiit ora croco!

Virgineos assueta sinus ornare, modesta

Ut plusquam Tyrio murice tincta rosa est!

Cuique est dissimilis quæ gratia! totque colores

Effundit tellus una, quot Iris habet.

An Essentiae rerum sint Aeternae? Aff^r.

Byssus vix Batavis albens defloruit arvis,
Cum fit sollicitæ stuppa labore manûs.

Hanc

Hanc conjux puerique legunt sub paupere tecto,

Et fufam affiduo pollice verfât anus.

Artificis mox dextrâ, & Divæ Palladis arte,

Accipiunt formam tenuia fila novam:

Aut abeunt tonfis varia in mantilia villis,

Aut ornant nymphæ lintea rara caput.

Quin tandem tenuata molæ sub pondere charta

Albet, & innumeris ufibus apta venit.

Sint plures formæ: filum, mantile, papyrus:

Sub cunctis eadem byffus, & una latet.

*An ejusdem Effectus plures sint Cau-
sæ? Affr.*

Nescit Apelleos disponere dextra colores
Indica, sed plumis ingeniosa sapit:

Mobilibus mirè digitis discrimina luci

Dividit, & dubias temperat æqua vices,

Mollitiemque manu tremulam studioſa coeracet,

Et flectit faciles in ſua juffa comas:

Das, pavo, variumque decus, rutilumque nitorem,

Gemmea; tuque tuas, alba columba, nives.

Hinc pictæ nubes, & dives mille colorum

Oſtentat liquidas aureus arcus opes.

In levi luſit tabulâ ſic omnia Zeuxis,

Et ſic in molli ſedula veſte Venus.

An Materia ſit capax omnium For-
marum? Affr.

MUtatum variis vicibus, verſumque figurâ
Aurum habet in nítido crine decora Chloë.

Antiqui geſtamen avi ſolenne, decuſque

Hoc erat, in collo nobile torquis onus.

Hinc aviæ lautam ſubnexuit aurea veſtem

Fibula, poſt viduæ tædia juſta togæ:

Siftraque plorantem mulcebant garrula matrem;

Quassabat tenerâ garrula siftra manu.

Gaudet acu nunc ipsa Chloë, quâ læta laborum

Dividat, intortam sustineatque comam.

In quascunque abeat formas mutanda metalli

Lamina, non poterit nobiliore frui.

74
An Effectus requirat Agentem sibi pro-
portionatum? Aff^r.

INgens horrificis Frebi spatiat in umbris
Alcides, Stygiæ terror, ut antè, domûs.

Arcus & arma nitent humeris, & lucida zona,

Zona, nefas! diris lucida mille notis.

Hîc sævæ volucrum species, portenta ferarum,

Et quoscunque tulit maxima Terra metus.

Hîc agmen furiale Dei, currusque sequuntur,

Iraque funestum flebilis urget opus.

Non hæc Mæoniæ lufit tibi dextra puellæ,

Non virgo Scythicâ Martia pinxit acu.

Sed tetricæ fævâ variabant arte Sorores

Digna tuis manibus ftamina, digna fuis.

An Idem femper agat Idem? Aff^r.

HÆC, Abelarde, tibi toties tua mittit alumna,

Et foror, & conjux, hæc, Abelarde, tibi,

Umbrosos inter, metuenda filentia, lucos

Exul, & æterno mœnia fæva fitu.

Hïc specus horrifera, hïc longo tenebrofa recessu

Atria terrificis ingemuere fonis.

Me tamen urit amor, penitusque sub offibus ingens

Æstuat, & victâ Relligione viget.

Me tua follicitæ per triftia noctis imago

Otia, per lentæ tædia lucis habet.

Sæviet heu! quæcunque trahant discrimina vitam,

Sæviet in noftro pectore certus amor.

76
An Motus Circularis sit maxime Naturalis? Affr. *Martian*

INfantem, vagitu inopi lactentia aventem
Ubera, nutricis blanda loquela fovet.

Jamque scholam it, gemitus inter lachrymasque fe-
Et testudineas ducit eundo moras. [quaces,

Mox cantus iterat miseros nocturnus Amator,
Et queritur sævas pervigil ante fores.

Jam plenos numerans maturis viribus annos
Destituit patrium laudis amore focum:

Castra amens sequitur, vitreoque inservit honori,
Lethalis quanquam fulminet antè tubus.

Tum mira accedit gravitas, ventrisque rotundi
Tardum, mollia agens otia, pascit onus.

Laudare antiquos mores, & facta juventæ
Per mille ambages dinumerare juvat,

Indè iter occiduæ carpens declive senectæ

Ora movet tremulis emaciata sonis.

Delirus tandem & fatuus; gyrumque reversum

Claudit, ut incepto prodiit orbe, Puer.

*An omnia Corpora habeant determina-
tam Sphæram Activitatis? Affr.*

OCeano puppis quantâ mole incubat ingens,
Quæ maris imperium vendicat una sibi!

Nautæ, mille manus, spatiosâ operantur in alvo,

Et varias explet sedula turba vices.

Pars infrâ rigidos gestit tractare rudentes,

Inque gravem obliquat turgida vela Notum.

Pars sedet antennarum, aut summi in vertice mali,

Et celeri undantes explicat arte finus.

Ille gubernaculum cæcis molitur in undis,

Et tremulam observat, quâ variatur, acum.

Quis-

Quisque datos fines constans, data munia servat:

Nota gregi sua sunt, & sua pensa Duci.

78
An omne Corpus habeat determinatos
Bale *sui Fines? Affr.* *Leith*

EN! quantâ se mole infert, quam fit bene pastus,
Et quam Falstaffus fit bene potus Eques!

Subrubet uva genis, & pleno purpurat ore,

Quæ possit vultum, Bacche, decere tuum.

Mentum penè triplum, ut crassi palearia tauri,

De collo medios pendet ad usque finus.

Venter iners turget, veli navalis ad instar,

Plurima pontivagæ cum favet aura rati.

Sed Natura Parens certis premit omnia vinc'lis,

Quæ maris indomitam frænat avaritiam.

Jure tuum strinxit præscripto limite corpus:

Esse decet finem ventri, ubi nulla gulæ.

An

An Natura aliquid agat frustra? Negr.

Belong here
USU quæque suo distinguens, Terra Creatrix
 Semina Muscorum mille virere jubet.

Hinc præsens petere auxilium novêre Medentes,

Cum tussis tremulos quassat anhela fenes.

Hinc lætæ augescunt pecudes, quibus invida Zembla,

Pigro obducta gelu, pascua rura negat.

Æsculus hinc molli vestit lanugine ramos,

Ne Cauri metuat gemma novella minas.

Hinc varios etiam vermes, & aquatica sec'la,

Cernis in herbofo luxuriare lacu.

Non alio ornatu pinguntur roscida faxa,

Pan ubi sub medio Sole quiescit humo:

Non aliâ moles præruptæ fronde virescunt,

Quà fovet implumes provida mater aves.

Quid tulit utilius Floræ cultissimus hortus?

Quid Dodonæi maxima sylva Patris?

80

An Simile agat in Simile? Affr.

* **H**UC, Dea, quæ vitreo fluvii secreta recessu
Innectis passæ lilia torta comæ,

Huc, Sabrina, veni; per Nerei sceptra vetusta

Oro, per immensi numina magna maris,

Huc, Sabrina, veni: faveat Neptunia conjux

Sic tibi, sic puro flumine rura feces.

Quin age, gemmanti rivos prælabere curru;

Quin propter falices hîc, Dea, siste rotas.

Si tibi Naiadum castæ placuere choreæ,

Si mentem tangit Virginitatis honos;

Huc intacta feras celerem per gramina plantam,

Huc, orante piâ virgine, Virgo, veni.

81

An Locus sit æqualis Locato? Affr.

ASpice Eremitæ congestum cespite culmen,
Et culti ante fores jugera pauca soli.

Hæc meditans se solatur; licèt absit inanis

Pompa, licèt tecto regius absit honos.

Attamen hos intrà muros tranquilla voluptas,

Attamen hîc placidâ cum pietate quies.

Hic audit lucus solo sub vespere cantum,

Hæc matutino carmine saxa sonant.

Tecum habeas, Præful Romane, palatia celsa;

Hæc magis est castis moribus apta domus.

82
Wilson
An Mors conveniat omni Animato? Affr.

T Hermopylas lustrat dum vitæ prodigus Heros,
Hæc, acie in primâ jam moriturus, ait.

Musæ, Pierides Musæ, queis mœnia Spartæ,

Et queis Eurotæ sacra fluentia placent,

Aspicite hunc Montem; &, siquid virtute meremur,

Has turmas memori concelebrate lyrâ.

Hîc læto incedas, Libertas maxima, gressu,

Hîc tollas acuens prælia, Famâ, tubam.

O focii,

O focii, Spartæ proles animosa; propinquæ

Cui nunc mentem ægram turbat imago necis?

Quem Patriæ non tangit honos? Ardentia cerno

Lumina, cerno alacri spicula rapta manu.

Quin agite, instanti certatim occurrите fato,

Et timidum & fortem mors semel æqua premet.

Servitio, & turpi pereat gens Barbara luxu,

Pro patriâ docuit Sparta perire suos.

83

An Idem sit causa Diverforum? Affr.

Templorum augustas moles quæ Musica complet!

Quam varios spirant Organa sancta modos!

Nunc liquidi variata soni modulamina fundunt,

Qualia pastoris fistula blanda ciet.

Nunc lætas modulis mulcent levioribus aures,

Quos daret arguto pollice tacta fides.

Funereum hîc etiam longis strepere intervallis

Carmen, & harmoniæ murmura mœsta gravis.

Tum tuba bellatrix tremulo clangore videtur

Inflari, & raucos ingeminare sonos.

Ne credas buxum hîc vocalem, atque æra fonare,

Machina tam varios sufficit una modos.

84p
Subb
An Effectus requirat Agentem sibi proportionatum? Affr.

* **M**Olita est mollem tenui subtemine telam
Tyndaris, & nitidum sic variavit opus.

Hîc Graiûm naves, hîc volvitur unda Scamandri,

Hîc fudit tenues fons Simoëntis aquas.

Illinc ultores ibant in prælia Graii,

Hinc Asiæ in pugnas agmina Troës agunt.

Ante omnes formâ insignis, nitidoque decorus

Tegmine, bina tulit lævia tela Paris.

Ipsa quoque Iliadum forsàn permixta catervâ

Altâ, spectatrix anxia, turre stetit.

Omniaque hæc circùm studiosè intexta cucurrit

Extremum cingens Cypria myrtus opus.

Diverfos utriusque duces & prælia gentis

Quæ, nisi Tyndaridis, fingere posset acus?

95 *An Elementa maneant in Mixto? Affr.*

Brace *Markham*
STemmate præclari referunt feliciter Angli
 Ingeniis veteres, qui genuere, viros.

Cærulei Danus docuit commercia ponti,

Et dociles finxit nautica ad arma manus.

Artibus apta dedit, rerumque sagacia Neuster

Pectora, & ignavi nescia corda metûs.

Manfueti ingenuo veniunt à Saxone mores,

Nudaque simplicitas, candidiorque fides.

At patrii Britones dant libertatis amorem,

Collaque servili non violanda jugo.

A Româ pietas, laudumque immensa cupido

Fluxit, & ingenii vis, habilisque vigor.

Quot

Quot variis omnes clarent virtutibus, Anglus
Uno compositas pectore solus habet.

An aliquid Violentum sit Diuturnum? Neg^r. Græc

INsomnia vigili curâ jacet acer Achilles,
Nec recreant molles corpus, ut antè, tori.
Quin dolor alternos exercens corde tumultus
Torquet, & assiduis lumina rorat aquis.
Te, Patrocle, vocat; quot tecum gesta revolvit
Bella, quot indomitâ corpora strata manu!
Tum mite ingenium, & fidæ commercia linguæ,
Vultusque, & notæ vocis imago redit.
Jámque toro exiliens tenebrosa ad littora tendit,
Incertoque agitur per loca sola gradu.
Mox effert roseum formosa Polyxena vultum,
Et malefida calent corda furore novo.

87 *An Idem semper agat Idem? Affr.*

* **P**rospiciens hostilem animosa Polyxena coetum
Hæc ait, ad sævum jam ruitura rogam.

Sit fatis occubuisse: infames tollite nexus:

Membra hæc fervili non temeranda manu.

Spontè cado: Soror Hectorea, & Priameïa virgo,

Libera Tartareos Umbra subibo lacus.

Ipse juvabo ictum crudelem, & pectora pandam,

Aut niveum dextrâ non trepidante latus:

Sivè hoc marmoreum libeat rescindere collum,

Hic facile immanis mucro recludet iter.

Dixit, & accepit crudum non inscia ferrum;

Nec gemitum herbofo dat resoluta solo.

Utque decora cadant morientia membra, fluentes

Collegit digito deficiente sinus.

Haud patrios morte in mediâ dediscere mores,

Hand atavi poteras immemor esse Jovis.

*An omne Corpus habeat determinatos
sue Quantitatis fines? Aff^r.*

ARdua spumosis instat dum fluctibus Argo,
Puppe sedens clavum, Thessale Typhi, re-
Affixus lævo lateri Rhodopeius Orpheus [gis.

Personat auratâ littora curva lyrâ.

Ast aliâ de parte Erytus, pennisque coruscans

Purpureis, Boreæ dia propago, sedent.

Hîc clypeo innixus Jason focia agmina lustrat,

Et magnum belli pectore volvit opus.

Hîc Peleus & Castor eques, hîc dura palæstrâ

Ostendit Pollux membra, gravesque manus.

Ipse inter medios reges Tirynthius heros,

Sublimi nutans vertice, tela quatit.

Unum florescit tantis Heroïbus agmen,

Nec comitem his addat Græcia tota parem.

89
An Corruptio sit rebus Naturalis? Affr.

Quæ
ANtiquam quoties circumspicit advena Romam,
Quas dederint strages sæcula longa, videt:
Labentes cernit muros, præruptaque faxa,
Horrentesque situ, quæ nituere, domus.
Quin & Pompeii tandem decora alta theatri,
Marmoreique Arcus, pulchraque Tempia jacent.
Longa dies celsas magni Jovis obruit arces,
Et posita inscriptis clara trophæa notis:
Obruit ingenti pendentes fornice rivos,
Et quot Dædaleæ signa dedere manûs.
Heu! quid restat adhuc Romæ, nisi Tibridis amnis,
Qui mox cum sacris ipse peribit aquis?

90
An omne Corpus componatur? Affr.

POpuleo in ramo, aut patulæ frondentibus ulmi
Hospitiis, nidum sedula ponit avis.

Fundamenta locat, quâ nec violentior æstus
 Torreat, aut gelidæ proluat imber aquæ.
 Jamque agros circum saliens, & fluminis oram,
 Muscofo avellit fragmina lenta toro.
 Indè rapit summo volitantes æquore plumas,
 Grandiaque obnitens stramina tollit humo.
 Nunc tenui spoliat desertos vellere dumos,
 Deciduosve júbis excipit ore pilos.
 His lentum admiscens vetulo de stipite viscum,
 Dædaleâ tepidum construit arte larem.
 Non tam diversâ Capitolî regia moles
 Materie enituit, quam levis ista domus.

91 *An Agens assimilet sibi Patiens? Aff^r.*

* *markham*
C Rudeli Phædra infelix tabescit amore,
 Et furit effervens his malefana modis.
 Eheu! quàm vellem patulâ recubare sub ulmo,
 Ægraque muscofo membra levare toro!

Detur ubi fugiente sitim restinguere rivo,

Et somnum querulas ducere proptèr aquas.

Eja agite; & croceis furas vincite cothurnis,

Dum celeres quatiunt avia lustra canes.

Huc sese glomerant nemoroso à vertice cervi;

Clamore ingenti Mænala rauca vocant.

Te, Diana, sequor, seu tristis Sirius urat,

Seu pronum inspergat cana pruina jugum.

Atque O! quis fulvæ spatiis me sistet arenæ,

Queis rota pulvereum fervida radit iter?

Ipsa jugis instabo, & lora undantia flectam,

Ipsa manu effusos hâc moderabor equos.

Hippolytus studio caleat quocunque, fideli

Obsequio, discet Phædra calere pari.

92
An Agens sit & Patiens simul? Affr.

FEsta dies agitur, villisque effusa juvenus
Indoctè ad numeros rustica membra movent.

At juxtà vexat Fidicen trepidantia fila,

Fessa levans ulmi in stipite membra, senex;

Danubii à ripis reduci cui fata dederunt

Unum oculum, atque unum vix retulisse pedem.

Ecce! laborantes chordas ut dextra fatigat,

Ut fervet fimiles ulmea planta modos!

En! qualem, dum scintillis micat unicus orbis,

Lætitiâ fixo præferat ore rudem!

Et motat nunc huc, nunc illuc, flexile collum,

Et totum pronâ combibit aure melos.

Gaudia, queis mentes alienas tangere posset,

Jus satis est æquum participare suam.

93

An omnia determinatos habeant suæ

Actionis fines? Affr.

V Illoſam generat catulorum Hibernia prolem,

Quæ fulvum latebris excutit una lupum.

At

At canis alituum vestigia lustrat Iberus,

Immotoque sagax imminet ore supèr.

Obtutu intereà leporem sectatur acuto

Gallicus, uda potens verrere prata fugâ.

Cæcæ alius tractim insequitur vestigia plantæ,

Dum nares spirans infinuârit odor.

Illa propago vagas pecudes fidissima cogit,

Hæc somno asservat limen herile levi.

Virtutem servat patriam, indomitique furorem

Pectoris, Angliaci stirps animosa canis.

Naturæ ratio stabilis, cuique utilis esse,

Cuique dedit variis utilis esse modis.

94 *An Idem sit causa Diverforum?* Affr.

Barney
CÆruleum primis tremere ignibus æthera cer-
 [nens,
 Nascentem pronus lampada Persa colit.

Salve, summe Deûm, cui templa immania surgunt,

Aræ cui fuso sanguine mille rubent.

Tu clarâ accendis radiatum luce pyropum,

Candida tu molli lilia veste tegis.

Aurea felici tinguntur mala sapore?

Vis tua nectareas infinuavit opes.

Lethali imbutæ torquentur felle sagittæ?

Ignitum agnoscunt cæca venena jubar.

Hinc herba ægrotis requiem medicata ministrat;

Hinc lætum aspirans aëra mulcet odor.

Cuncta licet variâ naturâ prædita florent,

Unus vitali, Mithra, calore foves.

9.5
Bedensfeld
An locus conveniat locato? Affr.

Concretas ægrè moles trudentia, cete
Tardam urgent pelagus per Boreale viam.

Mille choros intexentes, mille orbibus orbes,

Æquora delphines liberiora secant:

Mullus, sanguineo squamas ardore coruscans,

Formosi vitreis defluit amnis aquis.

At, nigris suffusa notis, anguilla per ulvas

Lubrica limofas tortile flectit iter.

Ostrea præruptâ torpent sub rupe; foveatque

Cærula arenosis concha cubile vadis.

Seu fremat æquoreus, tenuis seu profluat humor,

Præscriptos latices incola piscis amat.

96
An Omnia contentur perseverare in eodem Statu? Affr. Shields

Conjugis ad tacitum vigilans Cleopatra sepul-
[chrum
Alloquitur manes his malefana modis.

Felix Antonî! tibi rident candida fata,

Qui non fortiris vinc'la minacis heri.

Omnia habet Cæsar. Sed tu levis umbra vagaris,

Nec scis, qui crucient pectora nostra metus.

Heu me desertam! cui nunc rosea ora fovebo,

Cui nunc innectam gemmea ferta comis?

Neu speres, Cæsar, quòd ego Regina superbas
 Assequar, indigno compede vincta, rotas.
 Conjugis hîc jungam cineres, laterique fideli
 In gelido hærebo marmore fida comes.

97 *An Privatio sit Principium? Affr.*

Archam
CUI misera angusti tulerant fastidia vici,
 Quà vitiat puram crassior aura diem,
 Protinus, ut festæ redierunt otia lucis,
 Vicini ruris devia lætus obit;
 Seu pronum aspiciat fluvii de margine truncum,
 Seu tecta obscuræ dimidiata casæ.
 Gaudet, odoratam pertrectans graminis herbam,
 Quæ strictim argutâ falce subacta cadit:
 Seu latere ex alio rupere silentia vaccæ,
 Seu mulctra occurrunt fumida lacte novo.
 Nequicquam hæc agri speres solatia, fumi
 Nî prius urbani tædia longa feras.

98

Geneva

An Ars sit perfectior Natura? Negr.

* **Q**Uà vitreum pastor lustrat de rupe Lemanium,
 Subjecti apparent pingua culta foli.

Turritæ exurgunt arces, diffusaque circum

Stagna, & velivolæ, quas vehit unda, rates.

Mole triumphali, domibusque elata superbis,

Magnificum ostentas, pulchra Geneva, caput.

Sylvæ illîc veteres, steterant ubi sacra sub umbris

Capripedi quondam fana dicata Deo.

Nix Alpina procul tremulo percussa refulget

Lumine, & indomito lubrica faxa gelu.

Ast aliàs variis frondescunt foetibus horti,

Lætaque perfultant pabula mille greges.

Quanquam regifico splendes, Versallia, luxu,

Delicias nequeunt has superare tuæ.

99 *An Natura intendat finem? Affr.*

Bedingham **B**IS gravidæ pecudes Italis in montibus errant,
Since Spargit & innocuus femina plura lepus:

At catulus sequitur vestigia tigridis unus,

Una premit soboles ubera sæva leæ.

Dumque aquilæ proles bellatrix unica prodit,

Omne canit volucrum gente minore nemus.

Intereà immanis balænæ rara propago

Volvitur, Arctoï quæ maris unda fremit:

Dum stirps innumero generatur squamea partu,

Milliaque in vitreis occulit ova vadis.

Semine quamque suo jussit Natura vigere,

Quod minùs infesto femine quæque viget.

100 *An Idem semper agat Idem? Affr.*

Wilson **M**Ænalio excedens saltu, lustrisque ferarum,
 Sub placido Hippolytus vespere vota facit.

Salve

Salve, filvarum Præses, cui Theffala curæ

Spicula, & æternæ virginitatis honos.

Hos tibi ridentes molli lanugine acanthos,

Et libata apibus lilia, Diva, fero.

Hos tibi fundit ager, quæ nunquam armenta recum-
[bunt,

Nec falcem aspergunt gramina rore novo.

Quin tandem, huc præsens adsis, Laconia virgo,

Quin fertum hoc, castæ suscipe dona manûs:

Quale nec Aonidum nitidus fastidiat ordo,

Quale nec ambrosias Gratia passa comas.

Te supplex, dum canet ager sub sole recenti,

Dum saltus reficit frigida luna, voco.

Te sequor æternùm, magni Jovis optima proles,

Nec levis hæc poterit flectere corda Venus.

101
Elicon
An aliquid Violentum sit Diuturnum? Neg^r.

Disjectis longè faxis, tristique favillâ,
 Undique Vesuvii fumeus horret apex.
 At non perpetuas glomerat de vertice flammâs;
 At non perpetuo murmure mugit humus.
 Hi steriles tandem discunt mitescere campi;
 His tandem herba audet rara virere jugis.
 Hoc saltem, terra infelix, solamen habeto:
 Qui mittit pestes, vult tamen esse breves.

102
Elicon
An Quicquid recipitur ad modum Recipientis recipiatur? Aff^r.
Quæstio

* **F**elices Edeni hortos, lucosque relinquens,
 Æterni lucos veris, Adamus ait.

O me infelicem ! quali jam sistar in Orbe !

Quâ figam errantes in regione pedes ?

Arva situ informi, & nimbis squalentia adibo,

Præfenti nunquam quæ beat ore Deus.

Hîc vocem audivi loca per nemorosa vocantem :

Hîc palàm claro in lumine visus erat.

Hîc aras gratâ congestas mente locarem,

Signa per annorum non peritura vices.

Longè alios Eva exercet malefana dolores,

Ruptaque turbato pectore verba movet.

Ergone vos, inquit, flores, mihi sola voluptas,

Linquam ? humiles violas, purpureasque rofas ?

Quos mea tam pulchro construxit in ordine cura,

Quos ego distinxi nomine quemque suo.

Quæ vos ad Solis radios jam pandat amicos,

Quæ manus è gelido flumine præstet aquam ?

Tuque vale, deserta domus, quam vimine textam

Artifices dominæ constituere manus.

Corda adeò diverſi agitant diverſa dolores:

Ambo licèt metuunt, diſpar utrique metus.

103

*An Materia ſit capax omnium Forma-
rum? Aff^r.*

QUàm varia antiquis jam tandem effoſſa ruinis,
Gloria Phidiacæ, ſpirat Imago, manûs!

En! indignanti ſimilis, Mirmillo recumbens

Sollicito lacerum deſpicit ore latus.

At tristes oculos, longo dum pectora ſurgunt

Singultu, Macedo victor ad aſtra levat.

Hic Amor exſpirans placido de pectore ſomnum,

Candentique Venus ſemireducta ſinu.

Jupiter hic hyemes ingens detorquet aquoſas,

Qualis in Idæo vertice tela quatit.

In quoscunque vocet vultus, formasque, ſequentur

Haud tarda artificem ſaxa vel æra manum.

104

*An Pori transversarii sufficient ad
Diaphaneitatem constituendam? Affr.*

DUM primùm obscuro formatur gemma recessu,
Petra bibit nitidum folis opaca jubar.

Hinc varios, quos semper amat mutare, colores
Opalus ambiguâ luce coruscus habet.

Hinc tremulo radians accenditur igne pyropus,
Et fluitare adamas more videtur aquæ.

Flavescit fulvus rutilante topazius auro,
Et viridis vernas jactat Jaspis opes.

Purpureos violarum imitans amethystus honores
Subrubet, & candens lilia vincit onyx.

Si transversa poris lux admittatur apertis,
Fit gemma, incultus qui fuit antè lapis.

An

An omne Corpus habeat suum Ubi? Affr.

* **H**ÆC solo ingemuit secum Pæantius antro,
Dum tristes iterant Lemnia saxa sonos:

Cara Philoetæ sedes, vos, gurgite puro,

Sperchii fontes, OËtaque sacra, vale.

Me circum horrescunt atrâ formidine sylvæ,

Et freta perpetuo murmure rauca gemunt.

Circum ululare lupi per sævæ tædia noctis,

Et sola obscæno carmine bubo queri.

Eheu! quis medicis ficcabit vulnera lymphis?

Quis moestum miserans defleat ante torum?

Cui potero languens morientem extendere dextram?

Cui tacita advolvam lumina cum gemitu?

O! quis me sistat, fremitus quâ fervet equorum,

Quâ sonus armorum, quâ tuba rauca sonat?

Tela inter media, & confusæ stragis acervos,

Alcidæ comites oppetiisse decet.

* Sophoclis Philoetetes.

106

An Effectus requirat Agentem proportionatum? Affr.

MOles has veteres, hunc relligione tremendum,
Virgilii fervant ossa verenda locum.

Injussæ erumpunt hederæ, laurusque recentes,

Scenaque perpetuâ fronde corusca viret.

Luridus hinc serpens, hinc exulat herba veneni,

Obscænæ volucres, bufoque rauca sonans.

Sæpe sonos audit Pastor sub nocte silenti,

Et querulæ circum murmura fracta lyræ:

Sæpe videt suprâ æthereas assistere formas,

Et levibus silvam pervolitare choris.

Hæ blandos mulcent flores, foliisque malignos

Decutiunt rores, invigilantque fatis.

Umbra Palatinæ non talis præsidet arcu,

Nec tali assurgunt numine tecta Jovis.

197
Harley
An Bruta per Instinctum opera perficiant? Affr.

IN Libycis errat leo formidatus arenis,
Faucibus, & sævis unguibus, arma movens.

Adversâ obnitens luctatur fronte juvenus;

At petit averfis calcibus acer equus.

Sola salus damæ in pedibus; dum subdola vulpes

Furtivo fertur nota sub antra gradu.

Ad tactum pavidus limax spumosa retractat

Cornua; dum stimulis vulnera figit apis.

Contemnit morsus spinis armatus echinus,

Squamosusque anguis fibila colla tumet.

Non hos subsidiis Natura tuetur eisdem,

At dat subsidium cuique, benigna parens.

108

An Sensus lædatur a Sensibili nimis excellenti? Affr. Thornton

* **F**ert navem Cydnus remis argenteus actam,
Vindicet illæsam quò Cleopatra fidem.

Murice tincta tument ad mites lintea ventos;

Sericus aurato funis aplustre micat.

Stipantes lecto nymphæ, ut Nereïdes, adstant:

Altera nata mari ceu Venus, ipsa jacet.

Obtutu placidè languentes flectit ocellos,

Et niveâ fulcit lenitèr ora manu.

Stant alis pueri depictis, instar Amorum,

Ut levis æstivum temperet aura jubar.

Remorum alternis dum murmurat ictibus annis,

Subjungens molles spirat avena sonos.

Dum stupet hæc inhians spectantùm in littore turba,

Quâ sua testetur gaudia, voce caret.

* Plut. vit. Anton. Vide etiam sis Drydeni fab. All for Love.

109
An Materia sit capax omnium For-
marum? Affr. Imper

RIpam fusa super, Nili accola fida, papyrus
 Florenti acclivem stipite vestit humum.

Hinc chartam indigenæ effingunt, quâ multa Deo-
 [rum,
 Scripta latent magicis, mystica sacra, notis.

Hinc cava quassatæ formantur robora navis,

Hinc pandunt niveos turgida vela sinus.

Quinetiam insertâ mulcentur vulnera fronde,

Atraque de venis acta venena fluunt.

Dat flos ferta Deis, teretique è germine vestes

Virgo parat, charo munera prima proco.

Tum lætos dat pulpa cibos, succusque saluber

Mulcet anhelorum pectora quassa fenum.

Sponte suâ, quascunque humanus postulat usus,

Suppeditat varias una Papyrus opes.

110
An detur Antiperistasis? Affr.

Harley
* **F**ragrantes inter myrtos, laurosque virentes,
Idaliæ sedes stat celebrata Deæ.

Munera de nitidis pendent votiva columnis,

Textaque virgineâ plurima ferta manu.

Per laquear passim volitant exterrita Amantùm

Somnia, & ardentes supplice voce preces.

Spes suspensa illic, Vindictaque flammea torquens

Lumina, Suspicio credula, & Ira brevis.

Parte aliâ secura Quies, & blanda Voluptas;

Vinc'laque lascivus mollia nequit Amor.

Lætitiæ est eadem sedes, eademque doloris:

Nec foret hic tantus, nî foret illa comes.

111
An Locus conveniat Locato? Affr.

Wilson
Anglica dum Judæ prætexit littora classis,
Hæc secum tacito corde Ricardus ait.

Jam tandem optatam votis allabimur oram:

Hæ Tyriæ valles; Hic Lebanonis apex.

Ergo arces Solymæ antiquas, & diruta latè

Infultans lustrat moenia sævus Arabs?

O sancti Vatum tumuli, nunc lustra ferarum;

Et vos, divino sparsa cruore, juga!

En! vobis Britonum descendo à littore longè;

Vobis ultrici molior arma manu.

Hic etiam, si fata vocent, succumbimus ultrò;

Nec cineri tellus gratior ulla meo.

1/2
Lafayette *An Natura agat frustra? Neg^r.* *the day*

NImbosa informes ostendunt culmina montes,
Præruptosque inter squalida saxa specus:

At tamen hic virides saltus, silvæque nigrantis

Cærulea acclivi procubat umbra jugo.

At tamen hic medicæ surgunt felicius herbæ,

Et libata ægris gramina blanda feris.

Concreta hinc tepido raduntur nubila sole,
 Arentemque foveat fertilis imber humum.
 Hinc gelidi erumpunt per lenta foramina fontes,
 Inque humilem saliens decidit amnis agrum.
 Intus secreti lucefcit vena metalli,
 Fumidaque undanti sulfure fervet aqua.
 Suppeditat varios ftertilis vel Caucasus ufus,
 Queis vix fufficiant ditia culta pares.

113
An detur in rerum Natura absoluta
Quies? Neg^r. Markham

Niliacos longum coluit Doctrina recessus,
 Nec vultum ex adytis ausa levare facrum.
 Tandem per dociles Græcorum didita gentes
 Effulfit puro lumine, casta magis.
 Jamque aded, Romæ migrans felicitis ad oram,
 Per Latium varias prodiga fudit opes.

Tunc

Tunc Arabum effrænes dignata invifere turmas,

Mollivit cultu pectora sæva novo.

Indè vago curfu lapfa, atque incerta locorum,

Ad Gallos tandem fert, Britonasque, gradum.

Nunc fociâ, ad Thamefin, cum Libertate, quietas

Delegit fedes ubere læta folo.

At rursùm his poterit tenebras offundere terris

Barbaries, nebulis foedum adoperta caput :

Americis etiam, sæc'lo fortasse futuro,

Miltoni exurgent Newtoniique plagis.

An Idem semper agat Idem? Affr.

harpe **O** Scula delibans miseri Cordelia patris

Brady Ingemit; O miris excruciate modis!

Cui fanos labefactat atrox injuria sensus,

Et corda immanis percoquit ima dolor.

Téne domo ejectum nox intempesta subegit

Sternere stramineâ membra senecta casâ?

Heu,

Heu, miserande senex! — sed cornua rauca minantur:

Cerno procul dubio fervere marte solum.

Nunc ô, nunc læso faveat victoria regi,

Ipse tibi innectam laurea ferta comis.

Sin te vincula manent, (quod mens nimis augurat ægra)

In cæco astabo carcere fida comes.

Utcunque infanos fors miscet iniqua tumultus,

Noster erit nullâ forte labandus amor.

An Idem sit causa Diverforum? Affr.

TOtâ mœsta die gravitèr suspiria ducit

* Electra, & solâ nocte soluta gemit.

Impatiens iræ nunc tardum incusat Orestem,

Nunc ausa est segnes increpuisse Deos.

Oblatam Ægypthi pacem, suspectaque dona

Respuit; & turpem spernit amicitiam.

Chrysothemis simul ipsa gravi est percussa dolore,

Nec fictis lachrymis immaduere genæ.

* Vide Electram Sophoclis.

Sed luctum reprimit: neque enim, quid proffit inanis

Cura, nec, imbellis quid velit ira, videt.

Exhilarat vultum; simulataque gaudia fumens,

Materna obsequio vincere corda parat.

Queis idem pater infelix, eadem impia mater,

Quam dispar studium, dissimilisque dolor!

105
Thompson
An Corruptio unius sit Generatio alte-
rius? Aff^r.

COrporis ut molem reparent alimenta caducam,
Natura egregiâ providet arte parens.

Dentibus armantur positis ex ordine fauces,

Qui fragilem tundant, comminuantque, cibum.

Macerat interea spumofæ rore salivæ,

Pandens irriguos glandula foeta sinus.

Contritæ obliquum tandem dat lubricus escæ,

Per longa Oesophagi claustra, meatus iter.

Ventri-

Ventriculus demùm coquit; alternoque agitatus

Motu rugosum contrahit usque latus.

Commixtam excipiunt sinuosa hinc ilia massam,

Quam properat flavâ tingere bile jecur.

Tum sese fæces almo fecernere chylo,

Lactea dùm niveo flumine vasa tument.

Inde cibo nova corrupto fit forma, micatque

Purpureus venâ jam saliente cruor.

117
An Effectus requirat Agentem sibi proportionatum? Affr. L. Formont

* **C**Apta, per hostiles volitans, Cassandra, Myccenas,

Dira hæc præfago pectore rupta movet.

En! secum furiale agmen per limina Atridæ

Ebrius humano sanguine Comus agit.

Aspice, ut obscænis rorescunt mœnia guttis;

Perque domum tumuli funditur acer odor!

Fatalis nunc hora subit: nunc sæva leonem

Insequitur foedo juncta leæna lupo.

Ulti jam Trojæ cineres. Jam Tartara adire

Quid moror, & veteri gaudia ferre patri?

At vos, incesti, vos & mihi vana minantes

Vulnera, sæva premet vindicis ira Jovis.

An Natura intendat Finem? Affr.

Fertur in Ægyptum montano gurgite Nilus,
Effusoque humilem flumine sternit agrum.

Hinc gravidâ incultus flavescit campus aristâ,

Et sub vere premit stridula plaustra seges.

Lasciva hinc foetus fundunt armenta gemellos:

Fertilis hinc triplici prole tumescit ovis.

At non Ægypti, tepidis de nubibus actus,

Arentem vernus temperat imber humum:

Non hîc, muscoso saliens de pumice, sparsim

Interrupta cavâ valle nitefcit aqua.

Non

Non hîc umbrosi prisco sub Robore fontes;
 Aut pendens prono cærula filva jugo.
 Cuique parens Natura dedit sua gaudia terræ,
 Et data cuique suis temperat æqua malis.

An Ars sit perfectior Natura? Negr.

A Spice, cæruleas ut tranat nautilus undas,
 Ut tutum impavidus per freta fulcat iter!
 In morem remi crebro pede verberat æquor,
 Exiguam impellens alterutrinque ratem.
 Membranamque aperit, quoties favet Auster eunti,
 Impleat ut parvos aura secunda sinus:
 At cum sævit hyems, cum præceps volvitur imber,
 Contrahit in malum carbasa laxa brevem.
 Artem utcunque suam jactet fabricator Epeüs,
 Ecquando surget pulchrior ulla ratis?

An

20
Kendall
An omne Corpus habeat suum Ubi? Affr.

AD tumulum ducis extincti sic funebre carmen
Orfa est incultis virgo Peruva modis.

Quid juvat indomitos flexisse ad verbera tigres,

Vicisse in mediis quid Crocodilon aquis?

En jacet extincto resolutus lumine truncus!

En premis egelidam nudus, inermis, humum!

At non talis eras sacri inter læta triumpho,

Inter virginei cymbala læta chori.

Nunc felix nubes suprà, Solisque parentis

Ad folium, æternas umbra potire domos.

Te verò abrepto, tua gens hæc sacra parentum

Busta, atque assuetum linquet inulta nemus.

Quin ferte enerves arcus, fractasque sagittas,

Et quæ Cantabro tela cruore rubent.

Ferte etiam varias, capitis gestamina, plumas,

Et raptum à fulvo ferte leone decus.

Nunc

Nunc te terra tuis condat lustrata triumphis:

Dignior haud cineres ulla tenere tuos.

121

An Cælum agat in Inferiora? Affr.

Hormen

de Born ont

Markham

Porrigit angusto conclusos limite fines
Bermuda, occidui fluctibus acta maris.

Diffusum hîc ridet cœli per cærula lumen,

Halantesque tegit purior æther agros.

Hîc tepidi sub vere imbres, & vespere primo

Æstivum relevans aura marina jubar.

Hîc viridi in ramo flavescent aurea mala,

Apricisque jugis citreus halat odor.

Hîc morbis illæsa salus, longusque nepotum

Ordo longævum stat veneratus avum.

Ne doleas, Bermuda, arcto quod clauderis orbe;

Nescit delicias Florida lata pares.

122

An Idem semper agat Idem? Affr.

Gendall
ARmatus inter Genuensi in littore turmas
Hæc fundit senior fervida vota Ligur.

Huc age, Libertas, steriles seu fortè per Alpes,

Sivè per Arctoas, Diva, vagare nives:

Seu colis Adriaco surgentes gurgite turres,

Lætior aut Britonum regia sceptrum tenes.

Seu chari quondam Tiberis miserata revisis

Ripam, & Tarpeiâ mœsta sub arce jaces.

Huc adsis, Dea bellipotens, pia vota secundans,

Et firmes animis pectora fida novis:

Lumine si placido nascentem videris urbem,

Et maris ad curvos mœnia ducta finus.

Tu faveas; si jura piè tua sacra tuemur.

Vivere sic nostros, sic periisse juvat.

123

*An Diversa possint esse in eodem Sub-
jecto? Affr. Plade*

INgenio facili, solers, & ad omnia natus,
Cliniades mores induit usque novos.

Idem omnes vitiis superat, virtutibus idem,

Naturâ varius, dissimilisque fui.

Thracas apud genio indulget, noctesque trahentem

Lætitiâ & cyathis occupat orta dies.

Palladis exercentem artes mirantur Athenæ,

Eloquio præstans os, patriosque sales.

Regia sed magni tetigit simul atria Persæ,

Perfusus nitidas splendet odore comas.

Eurotæ ad ripam nemo patientior æstûs,

Fortior aut gelido mergere membra lacu.

Dum varias sumit formas, non dedecet ulla;

Dum tot personas, singula visa sua est.

124

Whitfield
An omnis Actio proveniat a For-
ma? Aff^r.

DAphne dura, mane, fessus conclamat Apollo:
Qui sequitur, nescis, dura puella, mane.

Me penes herbarum vires, ufusque medendi:

Quæ fuerant, nobis, quæque futura, patent.

Me duce, dispositis junguntur carmina nervis:

Moenia sunt nostræ structa canore lyræ.

Hæc, Phœbe, incassum jactas; tua sistere nympham

Nec cithara optatam, nec medicina potest.

Dic flavos crines, dic aptos lusibus annos,

Qui vigor in membris, qualis in ore color.

Mitte animi dotes; modò formam ostende venustam,

Curret in amplexus nympha proterva tuos.

125
An omne Corpus componatur? Affr.

O Rnamenta Chloës, quæ nec Cytherea recuset,
A variis mundi sunt repetenda plagis.

Dat collo Eöum gemmata monilia littus,

Et fovet Armenius mus, decoratque finum.

Delicias habilis folers dat Sina flabelli,

Quo latebras læsus gaudet habere pudor.

Mittit Arabs varios ramo de divite odores,

Pectinis & purum sufficit Afer ebur.

Serica contextit pretioso stamine Tuscus,

Et limbos Batavûm, sedula turba, nurus.

Mercator vastum ter circumnavigat orbem,

Ut proprio ornatu splendeat una Chloë.

126
An Anima sit ex Traduce? Negr.

A duce Pellæo procerum cum quæreret ordo,
Cui sua jam moriens sceptrum tenenda daret;

Nolo, ait, hæredem vel magnâ ex stirpe Philippi,

Sanguine vel nostro nobiliore fatum.

Stemmata de quocunque oritur dignissimus, ille,

Ille habeat nostrâ regna subacta manu.

Non semper natos ornavit patria virtus,

Nec fortes similes progenuère fui.

Debeat ora licèt soboles, formamque parenti,

Vis divina Animæ de Jove missa venit.

An Luna sit habitabilis? Affr.

* **E**ST locus, ætheriis ubi Cynthia præsidet oris,
Perdita quâ terris cuncta repôsta manent:

Quot spe præcipiunt famæ monumenta Poëtæ,

Et vino impensi, carminibusque dies.

Hîc fictus pudor, & perjuria mille Corinnæ,

Ereptusque latet virginitatis honos.

Hæc juxtâ tristes gemitus, lamenta, precesque,

Et quot suspirant irrita vota proci.

Blanditiæ scorti; promissa potentis amici;

Raraque pro vetulo lacryma fusa viro.

Nemo priùs vacuum tibi, Cynthia, dixerit orbem,

Quàm cesset noster desipuisse globus.

120

An Effectus requirat Agentem propor-
tionatum? Affr.

HUC, ô Cecropidum pubes, dux Atticus infit,
In Medum instructas huc agitate rates.

Aspicite, ut pulchro Salaminis littore supplex

Ad tumulum Ajacis parva propago fedet.

En! vos aspectant sponsæ, signataque multo

Vulnere monstrantes pectora nuda fenes.

Aspicite, ut longè disjectas inter Athenas

Fumo mista nigro flamma corusca rubet.

Hæc impunè ferent? nec mentes diruta tangent

Delubra, & veterum busta revulsa patrum?

Ne vos Phœnicum tot murice fulgida vela,

Nec Nilo emissus terreat ordo ratum.

Iidem nunc animi nobis, eademque Deorum

Numina, quos Marathon sensit adesse, tegunt.

129
An Ars sit perfectior Natura? Neg^r.

Imper
ARcum humeris Indus patrio de monte recifum
Fert gradiens, armant aspera tela manum.

Defessus temerè se sternit in hospite ripâ,

Defilit herbofo quâ levis unda jugo.

Decutit esuriens incultis mora rubetis,

Arentemque levat devia lympha sitim.

Gaudet, verficolor telo seu sternitur ales,

Pennarum ut decoret lucidus ordo caput:

Seu parvis donum, rediens sub vespere, natis

Implumes celsâ à rupe refert aquilas.

Tum nemus umbrosum, riguoque recentia musco

Prata, & quâ placidi murmuris aura, colit:

Antra

Antra tegunt vivo pendentia pumice, & aureis

Quos pingit calthis Flora benigna, tori.

Hæc habet Indus inops: meliùs non auferet esca

Lauta famem, nec sic regia tecta nitent.

130

An eadem Causa producat diversos Ef-
fectus? Affr. Hæc

O Quàm dissimiles Henricus sumere formas
Cogitur, amplexus dum petit, Emma, tuos!

In nemus ire parat, latebrofaque fæxa pererrans

Audax fetigerum virgo moratur aprum?

Ille plagas, latoque tenet venabula ferro,

Horrenti impatiens cominùs ire feræ.

Sive juvet volucres agitare per aëra cursu,

Prædonem Henrici dextera portat avem.

Mox notam fucco faciem perfusus olivæ,

Sortilegus dominæ consulit erro manum.

Jam

Jam pastor suavi modulatur arundine carmen:

Emma avidâ molles combibit aure fonos.

Nympha dat una tibi varias, Henrice, figuras;

Tot docuit fraudes ingeniosus amor.

*An ejusdem Effectus plures sint Cau-
sæ? Affr.*

EUropæ Lodoix meditatus vincla, secundo
Marte per hostiles moverat arma plagas:

Hinc vocem intendens Boilæi Musa, superbo

Victori palmas officiosa parat.

Mox ubi, mutatis vicibus, Fortuna recedat,

Galliaque ingenti clade cruenta gemit,

Vatis idem renovatur opus; qui carmine grandi

Borbonio laurum neētit, ut antè, duci.

O felix Princeps, talem fortite Camœnam,

Quæ tibi perpetuam vovit amica chelyn!

Nil refert, bello quid agat tua dextera; victum,
Victoremve idem te comitatur honos.

132
An Natura aliquid agat frustra? Neg^r.

imp^{ly}
QUà croceo dives curvatur pondere ramus,
Pomaque maturo plena sapore tument,

Aspicias, ut limax Pomonæ invisus oberrat,

Ut sensim exudat lentus ab ore liquor!

Viscosos videas à tergo albescere tractus,

Quácunque hortorum pestis inulta venit.

Quà tamen apparent furti vestigia, furem

Carpere sollicitâ fit tibi cura manu.

Hic tibi decocto succos humore salubres

Sufficit, & lenis perferet haustus opem:

Sive minutatim incipiat putrescere pulmo,

Seu miserum quatiat tussis anhela latus.

Desine Naturam vanis onerare querelis,

Pernicies frugum fit medicina viris.

133

An Locus conveniat Locato? Affr.

INdus amans, gradiens in margine littoris, inquit:
Dic age, Piscator, quâ mea sponfa latet.

Dic age, nam notu facilis; rectissima cervix,

Lævior & conchâ versicolore finus.

Chara, veni: quid te salientes figere pisces,

Aëriæve juvat tela parare grui?

Hic vespertinæ surgunt de fluctibus auræ,

Et cava pulsanis littora murmur aquæ:

Huc tandem properes, ubi nusquam tincta veneno

Spicula de latebris Indicus hostis agit.

His nunquam è scopulis sævorum classis Iberum

Ad Zephyrum albentes pandere visa sinus.

Sed tutæ sedes, hederisque virentia saxa,

Antraque connubiis dulcibus apta vocant.

134
*An plures Formæ subordinatæ possint
esse in eodem Subiecto? Aff^r. *Sic**

Occidua Hesperidas felices quæ lavat unda,
Elato ad cœlum stat Teneriffa jugo.

Hic cineres inter, præruptaque viscera montis,
Ambustos aperit dira caverna specus.

Subtùs hyems, sævæque æterno frigore rupes,
Nimbofusque Aquilo, perpetuæque nives.

Hinc atque hinc, sparsim repens per lævia faxa,
Limpida clivosis defilit unda jugis.

Acclives pendent laurus, & plurima circum
Coniferum pinus projicit atra caput.

Hic frondosa rubet turgenti pampinus uvâ,
Canaque vivaces pandit oliva comas.

Hic & odoratæ veniunt feliciùs herbæ,
Submissosque tegit lætior æther agros.

Ætheris atque foli quas dat Natura per orbem,
Præstat diversas tot Teneriffa vices.

135
An Idem semper agat Idem? Affr.

* **G** Ermanos inter veteres hâc lege puellæ
Munera, cui vellet nubere, mittit amans;
Ne sint, quæ tangant studium muliebres decoris,
Et quorum infinuât mollia corda nitor.
Ergò nefas auro discretam mittere pallam,
Aut gemmæ ambiguâ luce micantis opes.
Mittitur, indomito qui frænum mordeat ore,
Nec metuat sævi murmura martis, equus:
Mittuntur scabrosa hostili sanguine tela,
Et cassis patrio pro lare sueta geri.
Bellica gens utcunque leves sectetur amoris
Delicias, studium martis abesse nequit.

* Vide Tacitum de moribus Germanorum.

136

*An ex Effectibus inferri possit Cau-
sa? Aff^r.*

JActatus jampridem alto, procul omnibus oris,
Columbus solum per mare fulcat iter.

At tandem volucres sparsim apparere marinæ,
Squamigerique greges agglomerare rati.

Occurrunt algæque, & vecta recentibus ulvis
Ostrea, de latebris turbine rapta cavis.

Quin & ramorum circùm muscosa natare
Fragmina, & in viridi vimine bacca rubens.

Indè minutatim pelagus mutare colorem,
Et mulcere ferum mitior aura salum.

Coerulus extremo apparet procul æthere tractus,
Seu nebulæ, incertum, seu nemorosa juga.

Tandem sub noctem, tremuli trans æquora ponti,
Visa è littoreâ fulgere tæda casâ.

Pande sinus, Columbe; hæc tot fælicia signa

Mox Aurora tibi craftina firma dabit.

137
Siobhag *An* quicquid movetur moveatur ab
Strom alio? Affr.

* **H**UC age, Thyas ait solennibus excita sacris,
Huc, præcincte hederis tempora, Bacche,
[veni.
Ire juvat tecum deferta per ardua, lætus

Clamor ubi, & Cybeles tympana rauca vocant:

Tecum nocte choros agitare, facesque coruscas

Quassantem solum pervolitare nemus.

Quam libet ô thyrsis scopulos pulsare, cavâque

Rupe erumpenti lacte levare fitim!

Aut tenero mammas hœdo præbere tumentes,

Aut villosa sinu membra fovere lupi!

Tecum adero, seu nocturnus clamore Cithæron,

Seu Nyssa impuris non adeunda juvat:

* Vide Bacchas Euripidis.

Seu Cypri myrteta inter viridantia ludis,

Seu Tmoli multo per juga flava croco.

Fida comes, quacunque vocas, te, maxime Divûm,

Te solum toto pectore, Bacche, sequar.

138

An Natura intendat Finem? Affr.

Albentem attondent Boreali in littore muscum
Cervorum, fusi cana per arva, greges.

Hos domitâ cervice docet ferre effeda Lappo,

Et concreta levi radere stagna jugo.

Quinetiam cervinâ insternit pelle cubile,

Fumosæve operit virgea tecta casæ.

Telum armans cornu lucentem in flumine piscem,

Pascentemve cavo margine figit avem.

Carne onerat menfas, aut mulgens ubera fesso

Vespertina parat pocula sponfa viro.

Quid si non pecudum varia agmina montibus errant,

Cum tantas cervus sufficit unus opes?

An

An Natura sit perfectior Arte? Affr.

Solers Niliacus gallinæ detrahit ova,
 Clausaque fornaci fervidiore foveat.

Mox tenui enitens prorumpit tegmine foetus,

Flavaque foecundis exerit ora focis.

Sensim turgescunt artus, lanugine molli

Induitur pectus, totaque prodit avis.

Attamen haud patriis variata coloribus ala,

Nec vivax rutili verticis ardet apex.

Nullus amor laudum tangit, neque gloria pugnae,

Nec lentum arguto provocat ore diem.

Ut soboles referat formamque, animumque parentis,

Vi propria in lucem proferat ipsa parens.

An Alteratio sit Motus continuus? Affr.

Vindsorias Lodona inter pulcherrima nymphas
 Capripedem fugit per loca sola Deum.

Per

Per juga, per valles, saltusque feruntur anhelī,

Ille Cupidineis ignibus, illa metu.

Ut nymphæ collum perflavit amator, & ore

Dividit undantes jam propiore comas;

Exorat dominam confecta labore Dianam,

Et sensim in tenues lapsa fefellit aquas.

Fit fluviū; veteris sed non oblita periculi

Perpetuū queritur, perpetuūque fugit.

141
An Imago in mente conveniat cum Ob-
jecto extra mentem? Affr. Markham

MAcbethes antro attonitus succedit opaco,
Dum tacito errabat conscia luna polo.

Panduntur fauces horrendæ, ubi luce malignâ

Nigralem lustrat lurida flamma domum.

Atrum Tartareâ farragine spumat ahenum:

Circum agitant tristes agmina foeda choros.

Hic strigis immergunt laniatos dentibus artus,

Crudaque de vivo viscera rapta lupo,

Feralis taxi succos, foetæque medullam

Tigridis, & tumulis eruta membra cavis.

Jamque canes ululant inferni, & crebra per umbras

Funeream gradiens ducit Imago stolam.

Continuò mens ægrum agitat labefacta tyrannum,

Quaefaque correpunt oſſa pavore novo.

His tamen effervet; frustra terretis, inanes

Vos furiaë, nisi quodd sævior intus agat.

An omne Corpus componatur? Affr.

AScræis affuetæ umbris cecinêre Camœnæ,
Fœmina quo fuerit facta labore Deûm.

Lacteolos, Vulcane, sinus, faciemque venustam

Fingis, & artificii membra decora manu.

Accessit Veneris donum peramabile, mentem

Sæpe etiam cauto furripuisse potens.

At

At Charites multâ posuere monilia curâ,

Sollicitæ, ut deceat pendulus aure lapis.

Blanditiæ molles aderant, & lenia verba

Mercurii dono, flexanimusque lepos.

Nec mirum est miserum cepisse Epimethea nympham,

Quæ tot diversos rettulit una Deos.

143

An detur Diminutio in rebus? Affr.

Godvini

ANtiquas Godvini arces, & tristia regna,
Fluctibus infanis æquora sæva premunt.

Attamen hîc ratibus descendens maximus olim

Julius, hoc ingens littore Saxo stetit.

Nunc fundo sylvæ ingentes volvuntur in imo,

Et tenero quondam gramine lætus ager.

Per stratas errat turres gens humida ponti,

Fœetaque se magno murmure monstra ferunt.

Fragmina malorum summæ illiduntur arenæ,

Atque inter laceros transtra soluta sinus.

Præruptâ mergi de puppe cadavera lustrant,

Et circùm pelagi plurima stridet avis.

Littora ne stupeas tali divulsa ruinâ;

Dextra eadem potuit mergere cuncta mari.

An Aer sit Soni vehiculum? Affr.

CUM Zephyrorum omnis residet sub vespere fla-
Lento descendit marmore cymba levis. ^{[tus,}

Sternitur unda filens latè; sola æquore toto

Lenia prolabens murmura prora ciet.

Verùm ubi jam facili per rivôs flamine ventus

Aspirat, laxos cùm quatit aura sinus;

Campanæ tunc audiri vario ordine pulsæ,

Et multæ umbroso in littore carmen avis,

Mugitus taurorum, & tintinnabula, collo

Quæ suspenſa aries proptèr ovile quatit.

Hos fractos longè sonitus, hæc murmura cæca

Aura vehit; cesset flatus, & illa silent.

145

An Effectus requirat Agentem proportionatum? Aff^r.

QUà tristes umbræ, nigroque horrenda recessu,
 Immane in præceps longa caverna patet;
 Ferratos thalamos, sævam Discordia sedem,
 Arma superfidens, flebilis intus habet.
 Confusi hinc strepitus, hinc illætabile murmur,
 Armorum clangor, vinc'laque tracta sonant.
 In muris antiqua Tyros, & regia Memphis,
 Sacra Salem, & fummo à culmine Roma ruens.
 Hîc transversa tuens, & lentâ tabe peresa
 Invidia, & cauto lumine Cura vigil.
 Pallidus hîc Horror; Rabies; Terrorque; Tremor-
 [que;
 Iraque, turbati Numinis atra comes.
 Ipsa haud ediderit tantas Discordia strages,
 Sæviret tali nî comitata manu.

An

An omnia habeant determinatam Activitatis suæ Sphæram? Affr.

MAximus ad cœlum latè se attollit Olympus,
Vertice centeno, fylva tremenda Jovis.

Mænalia ludunt lascivi in culmine Fauni,

Sylvanique strepunt tympana rauca patris.

Floribus at centum variis aspirat Hymettus,

Quem chorus Aonidum, quem Venus alma colit.

Informis glacie æternâ stat pinifer Atlas;

Myrteaque Idalio vertice fylva viret.

Quisque licèt laudis sumat sibi præmia, sumit

Diversæ laudis præmia quisque sibi.

An omne Corpus habeat suum Ubi? Affr.

Dissimilis vita est nymphis, animusque Britannis:
Eligit hæc, totâ mente quod illa fugit.

Quàm

Quàm dilecta urbs est, quàm rus inamabile, clamat

Pulchra Chloë, nitidis follicitata procis!

Italus ut suavi demulcet voce theatrum;

Ut redeunt certâ gaudia mille vice!

Interea formosa Lyce, quàm dulcia patris

Prædia, ait! mihi fit ruris amœna quies.

Ut juvat agrorum prospectus, & aura salubris,

Speluncæ, vivus fons, tacitumque nemus!

Ambæ felices! fin fedes utraque mutet,

Exul rure Chloë est, exul in urbe Lyce.

An Natura aliquid agat frustra? Neg^r.

Altos cum metuas, anser, tentare volatus,

Cur tibi tot plumis ala superba tumet?

Scilicet hâc rectâ metam petit acta sagitta;

Hâc instructa lares fedula verrit anus.

Sufficit hæc chordis plectrum vocale canoris;

Hinc nitet artifici picta tabella stylo.

Hinc

Hinc quoque victuris mandantur carmina chartis:

Vati Phœbeüs nec magè gratus olor.

Quis putet alarum tibi pondus inutile, tantum

Queis debent artes, spicula, fila, lares?

149 An Idem semper agat Idem? Affr.

DEfuncti heroës ludos in valle repôsti
Elysiâ, vivi quos coluere, colunt.

Pelides solito certamine gaudet & armis:

Automedon celeres curribus aptat equos.

Se Stygiis miratur adhuc Narcissus in undis:

Infestum catulis urget Adonis aprum.

Defiluit celsâ quamvis de Leucade Sappho,

Defunctam æterno vulnere torquet amor.

Nequicquam abscindunt mortalia stamina Parcæ;

Non fati, extincto corpore, jura valent.

Post mortem crudelis amor comitatur amantem:

Quæque heros vivus fecerat, umbra facit.

150

An Privatio sit Principium? Affr.

EXtinctæ aspiciens molem testudinis Hermes,
Hæc, inquit, nostræ sentiet artis opem.

Continuò summum testæ Deus abstulit orbem,

Quò reddat faciles aura recepta sonos:

Extenditque supèr septem certo ordine fila

Aurea, per justos continuata gradus:

Sic, fama est, blandi perfectam munere Divi

Graii acceperunt, Romulidæque, Iyram.

Nescio quid possit tua virga potentiùs, Hermes,

Cum fit de muto pisce canora chelys.

151

An aliquid Violentum sit Diuturnum? Negr.

* **W**Olseius fractis opibus, titulisque caducis,
Hæc solo secum pectore verba ciet.

* Vide Shakespearî fab. Henricum 8vum.

Umbra, vale, fugitiva! mihi malè credita, longùm,

Famæ atque imperii futilis umbra, vale!

Hæc hominum vita est: — Spes primùm lætat inanis,

Et miseros pergit fallere quisque dies.

Veris ad ingressum ceu flos de semine surgit,

Cras trudit nitidum plurima gemma caput:

Quin nunc aspicias perfectum robore florem,

Gaudet & albentes pandere sole sinus:

At mox, correptus glacialis frigore venti,

Sternitur in patriâ dilaceratus humo.

Discite, felices, subito diffidere honori;

Una dies dederat, nec minùs una rapit.

152
An Omnia ruant in pejus? Affr.

Tollit ubi spissas venerabile culmen in auras

Rufi perpetuis litibus aula strepens;

Hanc propè caufidicis fessis dedit otia (Coelum

Vulgò dicta) domus, nectareosque scyphos.

Purga-

Purgatorî illîc, illîc Orci atria tosto

De bove conditas explicuere dapes.

Attamen imminuit quid non damnosa vetustas?

Nunc tantùm superest de tribus una domus.

Et Cœli defunt, & Purgatoria tecta;

Et jam caufidicis sola Gehenna patet.

153

An Omne Corpus componatur? Affr.

QUàm variam in pugnas armat Germania pubem,
Cornua ut Aûstriacum præcinuère ducem!

Multa cohors circùm, quos Mulda emisit & Albis,

Quà Boiûm nitidos Praga coronat agros.

Quique colunt arces Eburi, atque allisa Moravo

Moënia; qui turres, culta Vienna, tuas.

Qui faxis latuère tuis, falebrofa Croatis,

Et quos Illyrici nutriit ora finûs.

Hispidus hîc humeros, fulvoque umbrata galero

Tempora, Pannonico Sclavus inhorret equo.

Quid, Lodovice, tuos agis in certamina Gallos,
Cùm variæ Austriacum tot comitantur opes?

An detur Antipathia? Affr.

Filla lyræ Eumolpus vulpis parat ilia; terret
Sed lyra tacta feras, aligerosque greges.

Gallus avis quanquam sit Martis bellica, vulpis

Non oblita fugit bellica Martis avis.

Impatiens cantûs abdit se dama latebris,

Et per aperta tremens avolat arva lepus.

Quin tandem invisæ parcas, Eumolpe, Camœnæ;

Non hæc conveniunt diffona fila lyræ.

Ilia dum vulpis pulsas, licèt Orphea vincas,

Nullæ plectra feræ, nulla sequetur avis.

155
*An detur Fortuna & Casus in re-
 bus? Neg^r.* *Non*

Umbrosi latere in collis, quâ fertilis herba
 Spargitur æternis roribus, antra patent.

Faucibus in primis folia en! incultus acanthus

Explicat, & violæ læta propago rudis.

Intus prorumpens liquidâ fons murmurat undâ,

Quem circùm effingunt marmora viva toros.

Per muros algis corallia mista marinis,

Multaque felici ex ordine concha nitens;

Quæque, rosæ similis, dubio suffusa rubore,

Quæque velut puro lumine candet ebur.

Has inter viridi surgunt faxa illita musco,

Serpentesque hederæ flexile vimen agunt.

Non talis cæco debetur gratia casu;

Non hoc fortunæ lusus, at artis opus.

An Natura agat frustra? Neg^r.

Diagoras, vano elatus corda impia fastu,
Naturæ infano scommate damnat opus.

Cur, ait, immenso quercus se robore tollit?

Glandis ut exiguæ sustineatur onus.

Nunc humilis libeat molem lustrare peponis,

Ingens ut fructus vimina lenta gravet.

Aptius ista decent immania pondera quercum,

Aptius & glandem ramulus iste gerat.

Dormiit at posthac quercûs dum fortè sub umbrâ,

Excussus glandis verberare somnus abit.

Do, Natura, manus: istâ de stirpe pepone

Lapso, oesset nobis ultimus ille sopor.

An omnis Actio proveniat a Forma? Aff^r.

Longâ induta stolâ, veloque abscondita, Phryne
Stabat Cecropio conspicienda foro.

Eloquii Rhetor varias exercuit artes,

Nequicquam tentans flectere corda sentim.

Cùm, qui præpetibus circum volitaverat alis,

Vestem de collo furripiebat Amor.

Turba stupet teretesque sinus, collumque decorum,

Oraque, & æstivis æmula labra rosis.

Ipse etiam Judex, vultuque & vocibus hærens,

Exhibet attonitos, ceu reus ipse, metus.

Quod non flexanimæ divina potentia linguæ,

Subsidium vinci nescia forma dedit.

158
An Natura sit perfectior Arte? Affr.

Willm.
V Inforiæ en fedes amplas, montisque superbi,
Quod rura aspectat desupèr ampla, jugum!

Stant altæ circum sylvæ; quas inter amoenum

Flumen agens, Musis sacra Lodona, nites.

Hinc clivi apparent virides, vallesque beatæ,

Quas formosa Ceres, Floraque mitis amant.

Hic

Hic gregibus campi albentes, atque æquor apertum,

Oppidaque, & sparsæ læta per arva casæ.

In medio Thamefis, dum longis flexibus errat,

Sub molli tacitum margine radit iter.

At procùl obscuri montes, urbesque remotæ,

Nimborum tractus, cœruleumque nemus.

Quis fuci nitor egregius, calamique potestas,

Quantùm Naturæ dædala dextra, valet!

159

Rachorde

*An quicquid sit in Intellectu intret per
Sensus? Affr.*

* **S**Uspensam fermone tenet matrona coronam,
Exiguo hybernus dum micat igne focus.

Pharmaca quid medicata valent, quid carmina, narrat,

Quid faciat magicâ saga potenter ope:

Quid noctis secum umbra ferat, quæ conscia cura

Evocet è tumulis ossa sepulta cavis.

* Vide Poëma, cui argumentum,
The pleasures of the Imagination.

Adstantes memorat manes, tractasque catenas,
 Signaque, quæ letho jam veniente monent.
 Quisque sibi exangues fingens assistere formas,
 Accedit propior jam propiorque foco.
 Tum quoque luridiùs visa est pallere lucerna,
 Atque umbrâ sensim nox graviore tegi.
 Sedem adedò mentis, quodcunque acceperit auris,
 Permeat, & formas elicit indè pares.

160

An Quicquid recipitur ad modum Re-
ipientis recipiatur? Affr.

Nigrantes umbras inter, longosque recessus,
 Moeniaque antiquâ Relligione sacra,
 Victu infelici miserè, fletuque perenni,
 Vestalis vitæ tædia longa trahit.
 Illam non picto ventosa superbia cultu,
 Illam non lento vulnere tangit amor.

Nunc mœret gelidam meditans acclinis in urnam,

Dum lampas dubio lumine fera micat.

Nunc hymnos celebrans divino carmine fervet,

Aut tremulo mullans concipit ore preces.

Huic tamen exoritur, sola inter claustra, voluptas,

Cui non sufficiunt regia tecta parem.

An detur Augmentatio in rebus? Affr.

Romulus exiguam muro complectitur arcem,
Agrestique oritur sub duce Roma rudis.

Jura dedit, mitesque Numæ sapientia leges,

Instituitque pio thure litare Deis.

Proximus huic Tullus varios belli expedit usus,

Et quæ militiæ tela, quis ordo, docet.

Inde Ancus fines ad Tibridis ostia profert,

Florentesque novis artibus auget opes.

Sunt Prisci trabæ; fasces; currusque; Curulesque;

Et Servi censûs non levis extat honos.

Mox

Mox didicit pulchros pro libertate labores

Plebs experta tuum, fæve Superbe, jugum.

Hifce ex principiis, atque hâc ab origine ducta,

Res hominûm imperio maxima Roma regit.

162

An Idem semper agat Idem? Affr.

TRoïca dum fessæ linquebant arva carinæ,

* Iliadum tali littora voce sonant.

Dicite vos, ponti quæ cœrula verritis, auræ,

Quo miseram sistent flamina vestra loco?

Num juga Taygeti visam bacchata nivalis,

Quà celebrat festos Dorica nymp̃ha choros?

Seu lavat Ilissus sacram quà Palladis urbem,

Tectaque, quæ Charites, Pieridesque colunt?

Tum cogar telæ Theséa intexere facta,

Et pallam artifici pingere ferva manu.

Heu! patriam, heu Trojam incensam! non hæc tua
[tristis

Ex oculis unquam cedit imago meis.

* Vide Euripid. Hecubam.

Quæ me cunque agitat fortuna, hos usque dolores,
 Hos certum est ægrâ voce iterare sonos.

163

*An Imago rei in mente conveniat cum
 Objecto extra mentem? Affr.*

* **C**Antu fallit iter rediens sub vespere messor,
 Cum positâ in tergum falce remisit opus.

Immemor anteacti curarum, operisque diei,

It lento vacuus læta per arva pede :

Occiduo fervent cum nubes sole coruscæ,

Et declive rubet per juga summa jubar :

Cum dempto tardè incedit bos fessus aratro,

Et circumvolitat stridula hirundo lacus.

Summo agnæ errantes balant de culmine montis,

Jam grege confestim se referente domum.

Omnia læta nitent circùm, mentemque tuentis

Plurima ruricolæ pacis imago subit.

* Vide Poëma prædict.

Pleasures of the Imagination.

Felix,

Felix, cui certo redeunt sua gaudia curfu,
Tranquilli quoties vespersis hora venit!

164

An Bruta cogitent? Affr.

JAM senior, fractusque annis, nec cognitus ulli,
Dulichius repetit regia tecta pater.

Hunc canis agnovit longo post tempore visum,

Nec veterem celat turpis amictus herum.

Novit, & ut potuit, testatur gaudia, at ægrè

Officium præstant languida membra pium.

Vix, titubante gradu, coràm se sternit Ulyssè,

Et moriens memori lambit amore pedes.

Filius haud patrem, haud conjux dilecta maritum

Noverat, at novit certior Argus herum.

165

An detur Ignis Elementaris? Affr.

QUÆ molem hanc agit, vitreus dum vertitur
Ignea quæ informat vis, agilisque calor!

Prote-

Protenùs at sentit, de vitro pensile ferrum
 Audeat admotâ qui tetigisse manu.
 Flamma levi tactu crines & tempora lambit,
 Stringit & insolitus torpida membra dolor.
 Nunc per tota volat laquearia cærus ignis,
 Fluctuat aut tremulâ cuspide pûrus apex.
 Tum liquido infinuat per plexa foramina lapsu;
 Tum summa offundit corpora luce vagâ.
 Mirificas vires haud feciùs unda fatetur,
 Emicat & gelido percita flamma lacu.
 Ignem Elementarem faciles concedite tandem,
 Cum sensim mediis eliciatur aquis.

166
An omne Corpus habeat suum Ubi? Affr.

* **P** Riscorum studio vatam celebrata fideli,
 Oceani fines insula sacra tenet:
 Vestit ubi halantes campos innubilus æther,
 Et placida æstivum temperat aura jubar.

Tum flavo auricomi pubescunt vimine rami,

Et nitet in vitreis dives arena vadis.

Heroum hîc, viridi musco stillantibus antris,

Securos agitat sacra propago dies.

Hos inter lucos ingens spatatur Achilles,

Has ripas atrox umbra Catonis obit.

Hîc Brutus virtuti habitum lætatur honorem,

Hîc spes ingentes non cecidisse Plato.

Longè aliæ sceleri fedes; his flagra, catenæque,

His Furiale agmen, Cerbereæque minæ.

Vita licèt variis agat hæc infana procellis,

Mors dat cuique suos, arbitra fida, locos.

*"Hic in Manuscripto
Oceanum ad fines Algae adnata Cretula Solis
Inventa circa stat celebranda Lyra*

F I N I S.

*W. H. P. 1842
Vol. II. No. 16.*

Index Lemmatum.

An Aer sit soni Vehiculum? <i>Affr.</i>	p.25.52.132.
Agentia habeant determinatam sphæram Activitatis? <i>Affr.</i>	9.
Agens assimilet sibi Patiens? <i>Affr.</i>	82.
Agens sit & Patiens simul? <i>Affr.</i>	83.
Aliquid violentum sit diuturnum? <i>Negr.</i>	51.78.92.137.
Alteratio sit motus continuus? <i>Affr.</i>	128.
Anima sit ex Traduce? <i>Negr.</i>	62.115.
Ars sit perfectior Natura? <i>Negr.</i>	89.109.118.
Ars sit perfectior Natura? <i>Affr.</i>	45.
Ars imitetur Naturam? <i>Affr.</i>	60.
An Bruta sentiant? <i>Affr.</i>	47.
Bruta per instinctum opera perficiant? <i>Affr.</i>	98.
Bruta cogitent? <i>Affr.</i>	149.
An Contraria se mutuo expellant? <i>Affr.</i>	2.50.
Contraria possint esse in eodem Subjecto? <i>Negr.</i>	38.
Cœlum agat in Animum? <i>Negr.</i>	8.53.
Cœlum agat in Inferiora? <i>Affr.</i>	21.33.111.
Corruptio unius sit Generatio alterius? <i>Affr.</i>	29.106.
Corruptio sit rebus naturalis? <i>Affr.</i>	46.81.
An duo Corpora possint esse simul in eodem loco? <i>Negr.</i>	60.
diversa possint esse in eodem Subjecto? <i>Affr.</i>	113.
detur Actio in distans? <i>Negr.</i>	61.
detur Antiperistasis? <i>Affr.</i>	101.
detur Antipathia? <i>Affr.</i>	140.
detur Sympathia? <i>Affr.</i>	34.44.
dentur Sympathia & Antipathia? <i>Affr.</i>	22.
detur Augmentatio in rebus? <i>Affr.</i>	146.
detur Diminutio in rebus? <i>Affr.</i>	131.
detur Circulatio succi in plantis? <i>Negr.</i>	56.
detur Fortuna & Casus in rebus? <i>Negr.</i>	141.
detur in rerum natura absoluta Quies? <i>Negr.</i>	103.
detur Ignis Elementaris? <i>Affr.</i>	149.
An ejusdem Effectus plures sint Causæ? <i>Affr.</i>	5.65.120.
eadem Causa semper producat eundem Effectum? <i>Affr.</i>	32.

An eadem Causa producat diversos Effectus?	<i>Affr.</i>	119.
Effectus requirat Agentem proportionatum?	<i>Affr.</i>	10.15.
		24.48.58.67.76.97.107.117.133.
ex Effectibus inferri possit Causa?	<i>Affr.</i>	125.
Elementa maneant in mixto?	<i>Affr.</i>	77.
Essentiæ rerum sint æternæ?	<i>Affr.</i>	39.64.
An Fontes trahant originem ex Vaporibus?	<i>Affr.</i>	11.
Forma sit Causa?	<i>Affr.</i>	21.
An Idem semper agat Idem?	<i>Affr.</i>	13.27.37.57.68.79.90.104.
		112.124.136.147.
Idem sit causa Diversorum?	<i>Affr.</i>	17.64.75.85.105.
Imago rei in mente conveniat cum Objecto extra mentem?	<i>Affr.</i>	129.148.
An Locus conveniat Locato?	<i>Affr.</i>	16.73.86.101.122.
Luna sit habitabilis?	<i>Affr.</i>	116.
An Materia sit capax omnium Formarum?	<i>Affr.</i>	23.36.49.
		66.94.100.
Motus naturalis sit in initio tardior in fine velocior?	<i>Affr.</i>	6.
Motus circularis sit maxime Naturalis?	<i>Affr.</i>	69.
Mors conveniat omni Animato?	<i>Affr.</i>	18.74.
An Natura aliquid agat frustra?	<i>Negr.</i>	26.40.72.102.121.
		135.142.
Natura intendat finem?	<i>Affr.</i>	90.108.127.
Natura sit perfectior Arte?	<i>Affr.</i>	27.128.143.
An Omnia agant per instinctum?	<i>Affr.</i>	35.
omnis Actio proveniat a Forma?	<i>Affr.</i>	114.142.
Omnia conentur perseverare in eodem statu?	<i>Affr.</i>	87.
omne Corpus componatur?	<i>Affr.</i>	4.19.28.81.115.130.139.
omne habeat suum Ubi?	<i>Affr.</i>	7.43.63.96.110.134.150.
omne Corpus habeat determinatos sui Fines?	<i>Affr.</i>	13.71.
omne Corpus habeat determinatos suæ Quantitatis fines?	<i>Affr.</i>	80.
omne Corpus habeat determinatam Activitatis sphæram?	<i>Affr.</i>	41.70.134.
Omnia determinatos habeant suæ Actionis fines?	<i>Affr.</i>	84.
omnis Materia appetat Formam?	<i>Affr.</i>	20.
Omnia ruant in pejus?	<i>Affr.</i>	138.
Omnia vergant ad interitum?	<i>Affr.</i>	3.
		An

An plures Formæ subordinatæ possint esse in eodem Subjecto?	<i>Affr.</i>	123.
Pori transversarii sufficiant ad Diaphaneitatem constituen-	<i>Affr.</i>	95.
dam?		
Privatio sit Principium?	<i>Affr.</i>	14.42.88.137.
An Quicquid sit in Intellectu intret per Sensus?	<i>Affr.</i>	1.31.
		144.
Quicquid recipitur ad modum Recipientis recipiatur?	<i>Affr.</i>	40.92.145.
Quicquid movetur moveatur ab alio?	<i>Affr.</i>	126.
An Simile agat in Simile?	<i>Affr.</i>	30.73.
Sensus lædatur ab Objecto nimis excellenti?	<i>Affr.</i>	54.99.
sublatâ Causâ tollatur Effectus?	<i>Affr.</i>	52.
An Terra circa suum Axem moveatur?	<i>Affr.</i>	55.
An Vita consistat in calore?	<i>Affr.</i>	12.59.

E R R A T A.

pag. 4. v. 15. lege. Cunetio.

43. v. 5. lege.

Hic vultus indetonsos, Sapientis honores, Abjicit; &c.

64. v. 6.

Deliciæ Phœbi, molle, Hyacinthe, rubes.

68. v. 5.

Hæc, Abelarde, tibi toties tua mittit, &c.

70. v. 6. leg. vendicet.

74. v. 10.

Hæc acie in primâ, jam moriturus, ait.

78. v. 7.

quot tecum gesta, revolvit,

Bella, quot indomitâ corpora strata manu.

91. v. 7. leg. Latonia.





